

富平縣志

函一
十册
函

富平縣志稿卷六

人物傳下

孝行

喬洛大牛村人事父母色餐備至鄉鄰無間言江邑侯開以孝思維則表其門

黨元煦永潤堡人孝行素著母歿日泣柩次定省饗殮如生不解衰絰及葬後每夜宿墓旁無室廬寢苫塊雖大風雪亦如之

侯夢桂五歲失怙未嘗讀書及稍長爲人僱每得錢必潔酒饌以供母四時蔬果先入市者見必購歸奉母囊橐空宴如

也夫婦嚴冬嘗覆以毛單而母室必極溫光緒元年母九十餘桂六十每至門輒大聲呼母藹然如赤子口吻二年母歿桂亦悲鬱成疾旋歿桂西鄉侯家堡人母氏張

張得福西鄉南張堡人六歲失恃及長學賈山右之祁縣事繼母蒙氏每得異味必先進而後食一生貿易獲利多寡錙銖必進之母偶託人致銀信誤投福岳家其妻私之不使母知後福歸廉得其故妻稽首服罪終身不齒母病福親伺湯藥衣不解帶者數月

田闊西鄉橫坡村寇堡人事母曹以孝聞曹病服藥無效闊割左中指二節入藥病遂愈後月餘復發歿闊哀毀骨立鄉

鄰共稱之

雷慎言字銘三新移里人監生端重寡言笑事親以孝聞咸豐元年陝甘學政慎奏 賜建坊銀又以養志遺風表之在到賢鎮

雷慎行字震芝慎言弟居家孝友處鄉寬厚遇荒年出粟賑饑里人公立德行碑於到賢鎮東門外

樊有爵字補臣原名廷一任奎文閣典籍齊羅堡人植品端方以孝友處家庭至老彌篤好施濟精歧黃

馮成泰縣西北覓子鎮人性慈良孝行篤摯親歿廬墓里黨稱之

車敬年十七讀書於外母邵病敬日讀書晚歸視湯藥往返十餘里百餘日不倦母歿居喪盡禮髮逆至率衆守欽仁堡保全甚多素知醫年八十四猶耳目聰明步履如壯時四世同居其重孫安定聘妻蕭氏年十七遇髮逆不辱投井自盡王德修字懋齋庠生事母孝訓蒙別村數日必歸省夜侍母寢年五旬猶依依膝下如童時母歿苦塊三年未入內室

王學寬字容夫通關里人事母盡孝養每事必稟命出告反面居恆以孝友訓族人及鄰里光緒丁丑奇荒饑殍不繼奉母甘旨餅餌無少缺母病篤醫藥靡治中夜乞藥於大堡村觀音堂廟門扃鍵拔鑰卽啟焚香跪禱天明持藥歸飲母疾

尋愈與弟學德學儒同處怡怡無間言懦弱冠入邑庠

來文鰲來家圯塔人性至孝家貧僱工養母夏日母檢柴石
川河灘山水陡發河漲漂母去文鰲急從崖際躍入水逐波
里許母子無恙人咸謂至孝感神闔聯人等獎以孝行可風
匾額時道光十年也

任錫爵素孝母病不能起兼有目疾便溺不知錫爵恐母惡
其臭常以手代箕箒家貧無錢買眼藥自以舌舐母目歲饑
得食卽供母母令其遠方求食勿以己爲念錫爵弗忍竟同
母餓死

惠思聰乳名臨子富平縣東鄉惠堡人生未周歲父大有遠

客新疆三十餘年無音耗光緒十年邑人有自伊犁歸者遇之金河城西大河沿互詢里族喜甚勸之偕歸大有辭以乏資問有書寄家否大有歎息言已離家時妻王氏年方少子臨子生纔數月家無資業復連遭兵燹存歿均不可知卽有書將誰付也其人旣歸造門訪之臨子自爲兒時頻向母索父母告以父在萬里外且不知栖跡之所則涕泣不飲食至是聞邑人言益悲號銳欲往尋母泣阻之驟對曰大河沿誠在天上耶兒肉身不能飛至信矣如亦在地上何爲不可至哉母奇其言然終不聽去其妻懲舅姑前事牽挽尤力竟絕襟而行至縣城念母愛己之深慮其思之過而致疾也復反

告曰兒至縣適有神卜某君以奇門法爲兒占行止言今歲西行福星臨護大吉無阻難兒意決矣母亦勿憂言已徑負裝西去不返顧時十年八月十九日也值秋霖彌月冒雨至蘭州衣袴盡黝爛有大賈見而憐之攜至肅州臨子遂獨行出關冬杪至瑪瑙河自河壩抵西湖沮洳四百餘里冰雪積五六尺行人皆墮指裂膚臨子車裘俱無短衣徒步卒無凍容十一年正月始抵伊犁大河沿訪得其父居次趨入跪父前捧足而號父愕然問拒之臨子哭告所自且縷述家事顛末父始收悲喜陝人客伊犁者爭來問訊華夷兵民皆以九千餘里徒步尋父爲古未有事遠近咸稱爲惠孝子自是孝

名徧聞南北入城間大河沿以牧爲生哈薩爾回部有盜奪
大有之牛者防兵爲捕追百餘里取牛歸大有曰奈何攘孝
子物二月金軍譁變殺掠甚慘臨子負父逃出兵士詢知乃
大呼曰勿傷惠孝子遂得免亂旣平佃種芝蔴罌粟苦力勤
作所獲倍人積數十金以償父宿債卽治歸裝是處兵民亦
醵資贖焉於九月擇日起程旋里十二年正月父子偕至家
王氏出視夫婦竟不相識大有泣然曰此我臨行時少婦乎
今髮皤皤一婆嫗矣大有寓宅在大河沿有一榆樹大踰百
圍自臨子歸後土人相戒勿剪折其枝咸稱爲孝子樹云

論曰生人無立傳之說志書成田生培塿膺採訪役以惠

思聰出塞尋親事略見示余驚且喜曰

國初蘇人黃孝子向堅尋親於滇南歸三吳人士艷稱之計
先生甫拜向堅於牀下終身師事之甯都魏叔子爲之作
傳蔡九霞先生且言幾不敢執筆爲置論孝子自繪萬里
尋親圖名流爭題詠焉端木先生爲讀書論道之儒而思
聰一田家子耳乃能篤天親之愛奮身戎馬間短衣跛躄
於冰雪中卒得安然奉父歸里門豈非天誘其衷能如是
哉詩云孝子不匱永錫爾類其傳也不亦宜乎

忠節

郭濬字磨園火家原人官戶部河南司兼湖廣司員外郎意

富平縣志卷之六
五
氣恢宏慷慨篤友誼丁外艱旋里適奉

諭旨命在籍縉紳舉行團練濬與邑侯江開籌商堵禦繕城郭完
器械集壯勇回逆之變嘗以百餘騎扼賊於盤龍灣又以數
十騎薄賊於竇村皆獲勝同治二年正月初四日賊突逾荆
原焚掠村寨時濬病新瘳授士卒方略命掩擊之尋懼有誤
遂偕高陵生員楊櫓禦賊於阜茨村賊眾卒有憚色濬大呼
進眾始振殲賊渠數人賊援四至眾寡不敵遂遇害楊櫓亦
死焉賊遁昇濬屍鱗傷徧體貌如生士庶環觀爲之下泣先
是濬以軍功

賞戴藍翎擢知府未奉行知而戰亡舉人何文蔚李澄等具呈

申請由縣府司道轉詳蒙

恩准在本籍建立專祠春秋致祭給予雲騎尉世襲同時陣亡之
附生楊櫓一併附祀

師中吉科子村人附貢生同治元年八月回遊擾村焚室廬
去生出甯救廬賊復至生持矛巷戰賊招之降生大罵遇害
張仲敏武循鼎從九武立功壬戌回亂俱以團防禦賊死

生員范元清龍崗人性爽俊多智略能詩有怡心集未梓回
逆亂起猝合鄉團曉以大義爲防守計元年八月三十日賊
大至與楊生集二百餘人拒賊於城西二生督團丁力戰賊
死者亦近百後以衆寡不敵二人皆被執不屈元清妻劉氏

子爾標妻田氏聞元清被殺皆投火自焚巡撫邵題奏奉

旨以雲騎尉世襲

生員楊元杰有聲庠序回逆亂與同村范元清合團拒賊衆
敗被執不屈其妻何氏聞夫被害卽自縊巡撫邵題奏奉

旨以雲騎尉世襲

鹽知事銜楊廷棟龍崗堡人同治元年八月三十日拒賊身
死其妻劉氏弟婦翟氏偕五女珠蘭川蘭蕙姐哲姐九蘭等
皆投屋後并死

從九品銜楊懋德與廷棟拒賊戰歿其妻韓氏亦罵賊被殺
陳柏齡字壽臣孝弟力田性直有胆力鄉人敬畏邑令李公

嘉其義子農官同治初回逆亂時年七十壯心未已倡修堡城爲守禦計賊驟至率衆巷戰以衆寡不敵遂遇害

師夔龍師場科子村人義勇戰亡於三原夕陽鎮

師鴻瑞科子村人義勇戰亡於邑東定國寺

保正賈元東甯堡人團首王思進鍾秀堡人鄉約吳煥秀清甯堡人與壯士王經同治元年五月十九日率團禦賊戰亡於高陵陂西鎮

團首袁林謝村團庄人同治元年六月三十日率領鄉團禦回於荆原勇潰林亡

高啟偉高李堡人同治初回逆亂率團禦賊於荆園賊羣至

眾寡不敵戰亡

馬鎮海東鄉馬堡人壯年英武胆勇過人同治壬戌邑令江
開幕勇防賊教習陣法惟鎮海稱幹率勇禦回於賀家原呂
村原南原戰皆全勝次年正月初四日阜角樹之戰賊馬甚
眾勇奔北鎮海身被重圍鬪半日殺二十餘人力竭被害

李元浩竇村人王奎阜角樹人皆有勇力同治元年訓練鄉
勇定國寺禦回至八月率勇戰於皇甫村深入重圍血戰多
時雖被殺而殺賊亦無算

喬正明喬永義房王正同治元年六月三十日回逆焚掠三
人執矛肩背相依與賊巷戰傷一賊賊虜至不敵遂遇害

劉煥章竹園人同治元年八月二十七日回逆至章巷戰力竭被執不屈死

袁耀宗老南社人禦賊被害

武懷慶中和堡人壬戌八月逆回犯南社慶用矛刺賊賊麕集戰死

呂長齡西鄉壽陽堡人精拳勇胆略過人同治元年五月十三日回逆初叛團練大臣張公芾遇害於渭南之油房街勢甚猖獗漢民大懼長齡曰回逆舉動焚掠而已非有大志然戀家室百里之外每夜必歸與回鄰者非剪除害必重及其未渡河時急清除近穴則彼來無所主席無支蔓之虞矣時

前耀州知州王諷金鎖都司阿揚阿聞長齡齊團俱來請助
長齡倡首西鄉十餘聯隨之幾萬人十五日至耀州凡近城
二里之寺溝堡三十里之韓家原逆數百家一日平之故遭
亂一來富平西北鄉與耀州輕於他處長齡力也二十六日
賊攻三原城幾陷時知三原縣事余庚颺前署富平有惠政
民感之長齡曰余公吾父母也願報德隨吾往援復集團者
千餘人馳至城下與賊接戰自辰至申賊始退殺賊數百人
而長齡亦於是日陣亡同日死者西十二聯王興文邵繼奎
唐永和張沐張汝琪張五雲張鵬翮邵富齡邵雙兒邵永祿
楊年楊天祿胡振之陳廷訓胡來兒胡放心胡雙保胡三益

胡子安胡元亮唐遇齡唐東天唐振經唐吉成唐續兒許金

寬許武兒樊建成白利高

妻張氏守義見貞節

樊豐年羅安平姚勸兒

王懷寅展廣秀衛起舉繆祥兒顧連科李榜兒張榮兒共四

十人西七聯樊永權樊吉恆樊成林樊樹鷗樊平林姚全經

姚長福

妻安氏守義見貞節

樊君聘黃起明楊九潤黃大顯黃金黃克

聰黃作聖馮承威馮承倫馮承明馮得祿馮長春馮輔清馮

輔靈馮天順武步漢李興寬秦五福李發章李秉武福奎李

漢榮李積福陳生春黃玉共三十二人西八聯許有兒許冬

至安天順王建文朱文清何五田興春王天祿共八人同治

三年三原官紳來訪姓字而建祠於三原焉後余擢同州知

富平縣志卷之六
九
府歿後墓志亦載三原守城幾陷突有富平民勇數百來援
賊始退蓋循吏義勇兩難得焉此役外者千餘人中道怯而
走者衆比與賊戰實數百人耳後又訪有西六聯李克潤王
卓韓輝文西十聯楊文德均實能殺賊而陣亡者

尙來兒西鄉尙家堡人同治元年回逆至衆驚逃其父慶昇
素尙義氣有胆力執戈挺身與賊戰連斃數賊賊益增來兒
聞之執戈救父或曰賊衆徒送死不聽往俱爲賊傷人稱其
孝云

喬承玉尙守信尙增春尙生雲俱西鄉尙堡人同治元年率
衆禦賊衆潰力竭身死尙增春臨陣赤身尤屬臨難不避喬

承玉死後數日身軀不腐有黃犬守護之

樊思秀施家坡人性忠直回亂作鄉人推爲團長七月十一日賊至思秀先團丁力戰殺賊十數輩渴甚被執磔死

張國知張橋鎮人有拳勇善用長矛元年七月十六日率團丁拒賊於鎮北刺賊數十人國知父子同死

張思賢張德學留古鎮人性倜儻尤練火器元年八月三十日賊往破定國寺團二張率百餘人拒賊於街西列抬鎗二巨礮一指東曰東擊指西曰西擊賊騎紛紛墜繼賊大至併力攻之同被殺賊破定國寺鄉團後始猖獗西行矣又有陳瑗陳逢有亦踞定國寺殺賊戰歿

王錫寶小惠村人同治二年在美原鎮與回賊戰陣亡

劉玉凝中惠村人同治元年五月初五日在下邽柳家原與回戰歿於陣

常三捷常懷忠常貫通三人同治元年十月十六日同登堡內屋脊瞭望見數賊與一人鬪勢危三人同持刀下與賊戰一時許賊至逾衆力竭同遇害

沈慶春南荆稼村人嘉慶五年武進士陞用叅將白蓮教作亂出征陣亡

紀裕太蓋村鎮人髮逆至村人守衛生台賊攻二日不能破村衆十數人尾其後奪賊馬裕太受傷死

紀有賢宜君外委髮逆至賢奉差遇賊鬪死

生員王士鏢於同治六年三月二十三日髮賊至被執罵賊遇害學使周表以舍生取義四字

馬士耀同治六年三月與髮逆戰賊用火鎗中其胸賊退人視尸如生

楊櫓高陵生員也曉兵法同治元年避亂之富教勇習陣故阜角樹之戰督陣催鋒每戰必捷後與郭濬同被賊殺其事蹟詳高陵志

劉可宏皇甫村人有胆略尙義氣同治元年八月回逆大至偕同村劉際春集壯丁二百餘人拒賊於村南自辰至巳苦

官三原志卷之二
二
鬪賊弗勝宏運棗挺憤擊斃賊人馬甚多賊益衆環攻之乃退走村北冢下二人猶持矛衝突至死身無完膚云

宗元玉拳勇過人平時亦豪俠自喜二年夏村人刈麥於野田回騎驟至衆弗能脫元玉登村樓望見之慨然曰吾不出衆必死矣持矛往刺賊十餘人死羣賊專力攻元玉村人乘間逃歸元玉力鬪自辰至未渴甚力竭被殺

王京藩王京傅兄弟相友愛從郭紳拒賊於東南鄉衆潰京藩獨入陣殺賊甚衆京傅已突圍出覓兄不見復入衝突數四血戰而歿

楊先合縣東北趙家坡人同治元年回亂作陷三原北城西

關攻南城甚急先合率義勇九十六人往援力戰於城下殺賊甚多鬪經日賊始退團解余邑侯以白金三千勞其衆後賊至富平火南關民居先合復糾義勇百餘人擊之賊退卽駐定國寺閱兩月賊不敢北後定國寺戰敗先合與所部同殉焉又有劉恆邦劉遵讓劉仕官呂麥秋均城北強村廟後堡人同治元年賊圍三原時與先合同往援焉余邑侯亦計人賚以白金三十兩後隨先合戰於定國寺賊環攻失利均同死焉

張兆林朱兆昇王六一王士謨等均下廟團勇回亂時偕團丁百餘人在縣東斷原防勦適賊二十餘猝至持械猛撲賊

不虞被殺者眾賊憤甚環進鬪死

王樹章北陵村人六年捻逆竄河北其兄生員樹乾命章送
眷口入山寨自歸取衾褥賊已至村避井窖中章登山見賊
入村兄未出急持矛下山馳赴救山中人羣阻之章泣曰忍
使吾兄獨死耶瞋目挺矛入村賊猝不虞章至擊斃多賊章

亦力竭被殺

三原賀瑞麟為之傳云嗚呼自吾秦遭亂以來

難當前不忍偷生舍命不渝卒以身殉其天性之厚固已勝
尋常萬萬而獨能慷慨忍難勇不顧身悲憤義烈如富平北
陵村王生樹章者又何其壯也樹章兄生員樹乾同治六年
捻匪竄陝賊眾蠡擁樹乾聞信亟命樹章送眷口山寨自取
薪米衾褥賊適至逃入井窖樹章在山所望賊入村謂兄必
不免即持長矛急下山馳救眾止不聽固止之遂悽然曰忍
吾兄獨死耶放聲大哭直前力鬪猶斃數人力盡而死時四
月八日也年二十三督學汪公旌以深明大義四字樹乾至

今述其事常泣下且謂樹章平日尤能盡弟道愛兄之誠蓋出於至性云語曰見危授命樹章有焉彼士大夫臨難苟免不愧死哉

王來泰同治元年回逆亂作與兄長泰保守村庄賊初至兄弟率壯丁十餘擊賊長泰遇害又死壯丁六七人來泰以勢孤退守堡賊去他日又至勢衆人多逃避獨來泰欲爲兄復讐憤激赴敵又遇害

張秉鈞及弟秉鉞俱業儒性骨鯁回匪入村村有高樓老弱避其上鈞鉞與趙正人獨不避率村人壯健者百餘保護高樓與賊相抗戰敗兄弟俱死賊焚其樓

王在雍號辟泉咸豐辛亥科舉人大挑一等以知縣分發河

南告終養在籍時回逆倡亂家人各逃避在雍見賊至恐父
蘭谷避不及急出門尋視遇賊與鬪被害家人往覓骸猶奮
拳切齒作撲賊狀

武舉李振國六年三月二十一日捻匪至振國持矛與賊鬪
街門且戰且罵被害時村人已潛逃矣

齊廷來字鳳儀號梧桐性聰慧喜讀書以貧故終未能就傅
見名儒輒問學以故諸子百家易卜星象靡弗通事母孝尤
好排難解紛精於武藝同治元年夏回亂作卽擬倡立鄉團
以乏資未果二年六月賊至率子治平及鄰里數人擊賊手
刃賊目數人奪回馬匹行李悉付聯中爲團練資衆推爲團

總自此石窠堡以北地皆恃以無恐六年三月髮逆入境糾衆迎戰賊悍且衆自午至酉團衆潰廷來獨與戰遂被害七年邑侯彙案請建坊祠祀

呂福元三原人因避亂至寶村與土人數十藏地窖中久之始出再遇賊被執迫令獻地窖不從大罵賊縛於樹而焚之樊建邦字价人由吏員選授江西都昌縣周溪司巡檢因親老告終養歸同治丁卯捻匪擾富罵賊不屈遇害

薛廣發吳村人性剛正不惑利害同治二年八月二十七日回至村廣發不及避賊以刀加項怵曰降則生不降則死廣發罵曰今日我死爾亦不能長生賊以刀砍至數十至死罵

不絕

張維凝官莊堡人能醫好程朱之學回逆至堡被執時年七十有五罵賊不屈賊支解之

卜世清亦官莊堡人爲賊獲命獻審許以不死世清不從賊鞭之罵不絕被殺閤村感德焉

寇世禮西鄉橫坡村人同治六年捻匪至堡世禮爲賊所獲不屈以刀懼之世禮曰爲賊所獲焉有不死但我死是人汝死是賊汝知之乎酋命殺之世禮大罵至死不絕

康孝裕康家洞人盲於目精命理鄉人爭端輒論息之人服其正妻李氏亦有夫風同治元年十二月二十九日回逆至

堡殺康子賢衆皆懼無一敢言孝裕獨罵賊無良賊殺之妻李氏又罵賊又殺之剖其腹

趙邦泰西鄉洪水堡人業農而行端鄉人稱之爲趙正人同治二年正月十九日回逆黎明入堡邦泰不及避爲賊所執且諭降命獻富家牲畜財物邦泰厲聲罵曰我爲良民焉能從賊死卽死耳決不肯爲賊害人賊支解之妻劉時方歸寤得免於難或以無子女勸之嫁劉曰夫爲正人吾豈肯作再醮婦耶撫姪爲嗣奉姑吳孝養備至現姪已成立矣

生員馮士泰姚營坊人教讀而慇直同治六年正月回逆千餘人竄出北山村衆知之已至門外先覺者避入地窖不及

避者多爲賊所獲而士泰方講大學人不暇告亦不知賊排
闥而入士泰諭以免傷生靈以干天地之和勿作叛逆以犯
朝廷之法賊僞應之及出門故殺一人以懼之士泰罵曰作賊
如故天地豈能容汝言甫畢遇害

盧應春橫坡村楊家窰人六年捻匪至被執罵不絕口賊殺
之妻楊氏抱子投井死

張應舉張琇張家河人二年被賊執以刀背擊之令指村人
所藏窖二人遍體鱗傷終不肯言罵賊被殺村人賴以全

張萬盛董家莊人二年爲回執賊令指村人地窖許以不死
盛給以空窖賊怒遂見殺村人賴以全

趙文盛八聯劉家坡人同治六年捻逆入境秋霖多而城內
圯賊數千衆攻堡村人欲內造木架猝不及備文盛孤身出
堡僞給賊欲緩其攻度架已成乃罵賊賊支解之始攻城村
人以礮擊之賊乃退閭村賴以全

張崇法董家莊人素爲村人所重回亂被執誘使指村人所
藏處不肯以刀懼之遂大罵爲賊所殺村人得全

紀有唐懷陽城人同治二年爲回所執人盡乞哀有唐獨罵
賊怒縛於樹支解之

廩生劉煥章都村西劉堡人學邃品端道光丙午關內大饑
與貢生楊懋基首先倡捐設廠賑濟全活甚衆回逆亂避居

富平縣志卷六
二
邑北底店鎮同治元年冬賊至鎮生偕姪及僕同奔北山生體肥碩步履艱僕負姪曳生行生度難兩全叱僕曰吾弟只此一子速奔毋爲我累生至山半一賊縱馬至生慮僕姪行未遠轉身據險用石亂擊賊不得前久之賊羣至力竭遇害僕姪得脫輒泣述其顛末云

師修道科子村人素習吏識大義同治元年八月二十八日其兄修德村西挑菜回騎突至被獲修道望見急適野求釋賊不允求代賊又不允修道尾賊不去兄弟爭死遂大罵賊俱殺之

喬昌年東樂善堡人潛心學業不求聞達年六十餘同治元

年回逆擾村自度步力維艱恐被賊辱杜門衣冠自經於樓

上

副榜劉邦俊強村廟後堡人弱冠入邑庠後中副榜授讀於
各邑回亂時爲賊所執縛使降不屈死之

楊德璘年六十餘髮逆入室見有婦女數人賊欲他往擄掠
不能攜去囑璘守之璘竟放諸婦女去賊至怒罵之璘亦罵
被殺

宋德順同治六年髮逆亂聞賊至負母急馳猝相值矛傷腹
忍痛仍負母力奔數十步腸出尺餘死賊義之扶其母令避
去

樊秀仁樊秀忠禦回戰死其弟秀珍亦同往殺賊陣歿秀仁妻華氏秀忠妻韓氏俱輕年守節撫孤存

王遇才王存忠王向榮及西九聯堡人百餘與回戰於城外皆被害

忽明經武生年七十禦回持矛力戰半日久賊多受傷者賊乃登屋以磚瓦下擊中經仆地死賊支解其尸

車喜娃車撞兒禦回相鬪殺數賊賊怒呼其黨大至二人避敵樓相持半日久賊焚樓村人百餘同殉

車支禮回逆至幸堡人數十守敵樓內有武生機者工射賊死四人受傷者衆又一發雙矢射死阿渾一人堡衆以礮石

奮擊賊又死五人賊大怒以長木焚敵樓支禮下樓救火被殺堡人竟得保全

張雲翥雲清兄弟二人同與髮逆鬪殺賊甚多力盡死

王富興傭作於任氏因獲其主與賊相鬪力盡死

任元度任悅智任桂發率堡人數十與回戰衆敗均陣亡

王連清遇髮逆投井死其子明鼎痛父之死持刀日尋賊鬪賊衆力盡恐爲賊執亦躍入井死

黨讓兒與其弟名禿子者率村衆禦回村人觀賊狀皆懼逃散黨兄弟相顧曰戰亦死不戰亦死與其徒死何不殺賊死遂相倚而立奮戰四時之久力盡死

生員趙作舟侯家山仁義村人慷慨尙意氣憤賊殺掠輒欲
礪兵殺賊同治七年七月初七日回逆千餘人復出北山散
布鄉村焚掠驟至村外者三十餘騎村中煙戶僅五六家壯
丁十餘人婦女不及避藏作舟負火鎗手執戟村人五六人
從之當衝衢與賊角賊莫敢前餘衆由村後細路踰溝送婦
女牲畜北走耀州相持一時許一賊忽前應鎗斃賊視村人
皆怯獨作舟勇亦用銃專擊作舟追作舟身死婦女已踰溝
去賊追之不及矣惟作舟妾楊氏聞夫死不肯去獨坐道旁
哭且罵持石擊賊賊亦殺之

康子賢康家洞人有膂力同治元年十二月二十九日回逆

至堡執戟與賊鬪且罵賊衆擊之焚其屍

仇一清胡家陵懷人負性剛直業農年八十餘不衰同治二年二月二十八日一清持楸赴田遇賊一清以楸擊之後賊漸多村人胡善芳張金倉同往救之賊窺三人有力欲誘降之三人同聲罵且鬪城上人聞欲救之不及同時死

黃芳榮崔獻黃文魁崔黃堡人同治六年正月十三日回逆竄出北山村衆知之賊已至門三人執戈當門鬪身受重傷不退同死村人已匿地窖中賊搜無所得

楊珍楊家窰人二年正月回逆至持戈禦賊同村之楊興才楊材與俱力竭同死五月珍之父步桂年近八十復被執罵

宣
賊不屈賊又殺之學使周給丹心可鑒四字額其門

劉修身阜角樹人貌魁梧有膂力同治二年五月回逆至遇修身於堡門欲降之修身不肯從賊持矛擊刺修身亦以戟格之賊受傷死後賊大至遂遇害

郭蘭望荆堡人性至孝母劉氏年二十六而寡甘貧守節病久不痊蘭潛割左臂入藥母愈六十卒同治六年三月髮逆犯淡村鎮蘭自以丁年恐爲賊擄雉經於院樹母子節孝出於一門

張槐井年二十五歲葬父後廬墓側晝夜弗離年餘回匪猝至井恐爲賊執自縊死前學使獎以純孝性成

廩生張樹森同治元年回逆至居民婦女均避高樓賊誘使
下樓降之樹森以不可從曉衆賊又以金銀布帛誘且焚樓
樹揚言於衆曰燒死事小失節事大賊怒焚之百餘人俱死
火中

石佐嶽字鎮東敦孝行樂施予道光二十七年輸粟三百石
錢五百緡賑濟鄉里全活甚衆同治三年任城固縣教諭兵
燹後捐白米八十石助修文廟六年告歸三月二十一日捻
匪至城外度不能脫集僕衆散銀使去語家人曰賊勢凶惡
我以死報國爾等母爲賊污也有數僕負其少子夜潛遁黎
明衣朝服投井死其孀婦井氏惠氏及女並傭工婦僕等繼

之妻張氏未及下井賊至恐被辱舉刀自剗其項奄然就斃
賊去鄰婦救之竟不死

張炳幼年貿易秦州復又之蜀同治元年炳自募貴州勇千
餘人復至秦日與回角戰殺賊甚多餉糈皆炳自捐賊十八
大營趨秦炳挺身相擊陣亡

張保泰性剛直同治元年七月初九日回逆侵鎮城泰年四
十列保甲率衆防守城池取廟中神礮二尊藏東城門限下
及賊擁至門無人敢發泰直前舉火斃賊百餘礮傷保泰股
故未再戰又數日聞母投井死泰氣極傷發身死人共稱其

忠孝云

張振翮字奮六道光庚子舉人由檢發知縣署安徽績溪縣
事有惠政咸豐十一年髮逆攻撲縣城數次登城竭力守禦
殺賊甚多後因糧匱城陷遇害家屬同死者二十餘人兄弟
八人長振宗武生次振德巡檢六振彩庠生叔思顯雲南府
經歷有吏才姪萬春光緒丁丑歲荒捐賑銀百兩並出粟賑
濟堡中饑民高曾以上代有隱德

生員任桂昌南陽村人素以文學著同治元年回逆至與弟
阿械扶其父避賊於樓中爲賊所得桂昌給賊曰勿傷吾父
可從子行賊義而釋之賊繼至者殺其父桂昌卽暗抽賊刀
刺賊賊執而支解之阿械先有小刀藏身間見父兄被害亦

自殺後桂昌之女適寨上田壽雁二年四月賊至甫扃門將入地窖其嫂未入門爲賊執賊挾刀逼其嫂扣門曰賊已去可開門氏不知其紿已也門開賊入氏詈嫂欺已且罵賊賊怒殺之又以火焚其尸焉

生員何天衢二年夏遇回逆於野賊擄之行不從走且罵殺於野外其母程氏年七十七守志撫天衢成立苦節四十餘年鄉里莫不稱賢

馬彥英石疊山馬家窰人美原城爲賊焚客主多逃於此縣丞王聯珍同衆以馬彥英公正有智略舉爲團長二年五月初九日賊三百餘騎至彥英率衆堵勦賊遁初十日賊又來

七百餘騎又擊敗十一日賊怒大隊步騎蜂擁而至彥英率
聯勇客民布置鎗礮據險擊賊自辰至未殺賊二百餘人彥
英弟彥魁彥泰與緱永信緱居明緱撞兒李志魁李年娃並
客籍百數十人均戰歿餘退奔孫家洞得保全彥英今存年
七旬矣

王延齡王萬積王映箕美原斜里堡人二年五月初十日回
至辛鄉丁武學貞楊雲鶴等三十餘人擊賊城西戰逾時賊
敗走奪馬一匹驢一頭十一日東堡王福履等八人助擊賊
辰後賊隊大至城南下馬步鬪賊馬盤於地者纍纍五畝有
餘聲撼林木有由姓客商與本村數人爭前苦鬪殞命餘退

登高樓時樓上藏男女老幼並鄉丁五百餘人賊入城圍樓
衆以所蓄石子並房上甃瓦奮擲自卯至午賊不敢近樓時
場中麥草甚多賊取之舉火焚樓煙氣迷空樓旋繞昏霧中
高低莫辨人力既竭瓦石拋擲俱空賊遂燒門樓五百人同
燼焉

楊生華道光甲辰武舉白水把總調宜君金鎖營咸豐十年
征髮逆於安徽屢著戰功陞守備後戰失利陣亡襲其子

李大受武生通關里七甲人元年回亂率鄉鄰一千三百餘
人陟邑之南原禦之賊去三原城圍急卽麾衆同往與賊大
戰於城東自午至暮圍始解殺賊甚多余邑侯賞其功每人

賚銀三十兩受因力盡失血身亡

李大平受之兄也同治六年三月髮逆至境合家人潛避山之石洞母黨氏年邁頭暈不能騎平擬負母逃賊入村因護母受刃身亡其弟大榮武生亦與賊相關而死

路步康薛家鎮人性公正膺總約事十餘年同治元年回逆變集鄉團盡心力禦之後因賊眾鬪不支遂遇害

李長榮太史李天生六世孫兩次列僧生同治元年六月回突至率眾禦之相鬪半日死者八十餘人榮亦身受重傷力竭殞命

王默字識之號恭齋廩生有幹濟才胆略過人同治六年膺

團總六月初五日率衆禦回逆於乾河自朝至夕力戰衆潰
默不能支遂遇害相與赴鬪而死者百餘人

惠春田太學生布政司理問惠良策之猶子也同治四年施
錢一千餘串修築堡寨嗣又公舉聯總六年率衆禦回於乾
河賊衆多力戰陣亡

趙增號金峯字省齋增生鄉飲介賓品學兼優淹貫經史爲
王香谷先生高弟授徒講論成就頗多年七旬餘手不釋卷
自錄史鑑粹語性寬厚家小康累爲親友代償積逋以致中
落處之晏如也和平謙抑雖村夫婦孺皆知尊敬之著有讀
史論綱鑑集解及詠頻陽四先生詩集惜散佚無存子鼎亨

儒士同治六年髮逆入村被執罵不屈死

白炳章庠生通關里金湯堡人同治六年八月捻匪駐曹村破其城生被執不屈賊刀刺耳鼻至死憤罵不休賊驚歎殺傷亦少輟並覓棺殮焉

楊俊英上陽堡人幼嗜讀家貧遂以鑄石爲生喜與文人學士相往還尙意氣雅愛楊椒山公集同治六年髮逆至以母老未去爲賊所獲強其降不屈罵不絕口遂被殺妻陳氏見夫斃恐爲賊所污亦投井死

同及第道光壬辰舉人同治元年十月十六日爲回執罵不屈遂遇害

舒大本江蘇儀徵人精藝勇有智略初雷以誠練勇揚州使
錢江延技勇士教習武藝大本與揚州張炳圖之子小虎同
應募焉後錢江爲雷以誠所殺小虎亦陣亡其舅陳藻卿轉
餉揚州大本辭營遂入秦就美原丞王聯軫幕回賊亂起聯
軫練民勇治軍器大本晝夜訓練心力交瘁元年七月初九
日賊至美原東郭外大本策馬率勇與賊戰殺傷相當馬蹶
大本墮羣賊窺其勇攢刺而死同時戰歿者爲王文忠李致
通呂迹春董守仁李百祥王振才李廣惠何自立李新元王
振寶王振法何大泰何應平何奇丁周大定周三和李夢麟
張德元王滿年李嘉林等並鄉勇七百餘人而賊死者去時

亦載屍十餘車云

李天成東北鄉人貌魁梧有膂力素嫻武藝習神術名鐵布衫久雖利刃弗能入鄉人稱爲鐵漢賊猖獗三輔震動天成合保正石俊賢鄉約石聯章同應虎等集聯人五百餘練於重慶寺勛以忠義故一方賴以安二年五月初九日賊至天成率衆督戰殺賊十餘人奪賊馬六七匹初十日黎明賊大至直抵城下云此鐵漢堡須力攻之城陷天成適帶團在外堵禦聞警急歸斬門奪隘入成弟已爲執救至得脫賊勢少挫天成復藏母地窖中村中婦女老幼所不及趨避者賴成等入而咸得深匿焉成再整隊戰賊集逾衆圍曰此人刀刃

不能傷者非刺喉不可重圍力鬪遂遇害聯人義之爲建碑於磐石村道傍以誌之

王學理南平里人粗知書有俠氣捻逆之亂年六十餘矣賊至其村執翁命汲水忽擄隣女至將污之翁忿火中燒突出不意以水擔擊之賊立斃又連擊數人賊衆至支解之

蓋德明 蓋德賢 蓋德正 李道兒 蓋 第 李卯兒

蓋清雲 蓋開嘉 蓋科嘉 蓋午兒俱西南蓋堡人同治二年四月二十二日在定國寺同擊賊陣亡

王雲化 王宇固 王貴兒 王喜雲 王永康 王圪塔 俱滹沱堡人

黨紹閔 黨義生 黨六十俱黨家堡人

王立兒新城堡人

王道兒 王桐柏 王逢昌 王逢會 董懷清 董邦教

董邦紀 楊丕清 生員王懋勳 王汝均 王懷純 王

太學俱王老堡人

安爾起 安興福 安興友 安君友 安德法 安拴子

安尙德 安爾公 安振元 安永全 安如春 段全成

俱安家堡人

董曰瀾 董回兒 董瀾兒 董學瀛 董述元 董建寅

董建兒 董吉利 董孟昌 董維成 董增編 董生會

董拴娃 董繼秀 董曰秀 董增刊 董長元 董勤娃
董宏才俱興隆堡人右各堡諸人於同治二年五月初十日
同擊回陣亡

李興元 李聰明 李世公 李廷 李義 李鼎新

李潤太 李明鳳 李保俱李家堡人同治元年八月禦
回陣亡

趙元發 趙元魁 趙新元 趙新蘭 趙新德 趙新武

趙君書 趙君材 趙進榮 趙進奇 趙進漢 趙進德

趙大祥 趙鼎亨 趙利 趙吉 趙金監 趙祥

趙忠義俱小賈村趙堡守城禦髮逆城破巷戰同死

趙山廬率趙新友 趙索兒 趙乾州 孔文元與回逆戰

於美原力盡陣亡 賀 崇美原陣亡

賀思清 胡景元 胡慶清 胡東來 胡景環 胡啟福

賀金廣其子鐵兒 賀獅子 年老三與長髮戰死

王振川 劉興玉 劉興智 劉興魁 胡湘雲 胡升雲

王振海與回逆戰死

蒙得保 王 虎 宋 虎 王金齡 王自來 王旣濟

王成子 王來子 常九思皆美原陣亡

任滿年三原陣亡

趙 森 劉 繼與回逆戰美原陣亡

劉麟趾 劉 宣與回逆戰死五官方

強書升 強萬選 強興可 強學魁 強增慶 強饒思

強會豐 封拴牢同治元年爲邑進士翟寶善招募壯勇據

險定國寺同擊回戰歿者

孫丕武同治元年八月禦回戰死

劉舉善 劉永清 劉永泰 劉盛林 劉成堆 劉萬鑑

劉庄子同死回逆難

魏寶善 靳鴻儒守莊裡鎮中礮子死

胡德鼎守胡家陵懷寨子中賊槍子殞命

李克修 蒙遇興兒守綾李溝寨先後中礮子死

名宦

黨懋修字德夫永潤堡人穎異博學以舉人大挑河南知縣
歷祥符光州有政聲實授登封幾十載隆學校革陋習有黍
苗棠樹風丁內艱去服闋除雲南江川縣到任七月因病致
仕歸里

齊正由吏員任四川巴縣知縣潔已愛民莅任有政聲值歲
饑發倉賑濟不給捐廉千兩繼之民賴以全及解組祖餞遮
道又爲立碑以誌德政云

孫步雲字平臯廩貢由同知歷任河南彰德懷慶知府江蘇
淮徐道有政聲卒於任爲前吳令君修邑誌膺採訪紳士

楊彬字升雅號杏軒由進士官楚令興甯甯遠湘陰保靖補
慈利歷任有賢聲初任興甯杜絕幫派棚費斷結鄉民山場
舊案繼任甯遠獲會匪七十餘名清劫案六十餘起及至慈
利治豪紳武斷清滯獄作士氣安善良性素簡默不喜趨迎
一意孤行屢不得於志上官始終不阿著有綠槐軒集未梓
失存

張秉魯大猷子敦品行嫻武藝由舉人任山東歷城縣知縣
先是歷城有土匪擾害居人其魁屢捕不獲魯下車卽懸賞
購其渠帥一日聞土匪二百餘人滋擾某村魯乘快馬手銅
錘令吏民中有能識其魁首者附騎以從指揮直入某村得

之脅從數百人盡散爲良民歷城縣人皆懷其德稱頌焉
張青雲字衢九號楠亭貌雄偉有膽力嘉慶己巳以武進士
第三人及第八宿衛以遊擊揀發山東獲滑縣匪黨補兗州
遊擊陞臺莊營叅將道光六年以卓異授膠州副將以捕響
馬大盜歷署兗曹各鎮總兵官十五年冬奉

旨補授廣東高州鎮總兵十七年兩廣制府鄧公奏署公陸路提
督兩年盜息民安十九年調補四川川北鎮總兵二十年廣
東英夷滋事奉

旨帶兵二千赴粵堵剿二十一年三月抵營卽委辦總理行營營
務翼長先一年英夷內犯制府林公建立礮臺防守甚密九

月制府解任代者爲侯琦善盡去兵防以致三江協陳副將
父子力戰殞命次年二月水師關提督陣亡虎門各礮臺俱
失湖南鎮軍祥書殉節夷犯省城正值無可爲之時而公至
矣按粵東省城形勢以東西二礮臺爲左右門戶北邊四方
礮臺爲城垣靠背夷人從東南來論水道則東礮臺最爲扼
要論陸路則北礮臺尤爲敵衝時奕大將軍楊果勇侯鎮守
粵城遣將四守某守東某守北公守西礮臺及夷船至東北
兩礮臺守將已遁省城危甚夷人併力攻西礮臺四面礮彈
密如繁星將弁皆勸公少避公叱曰養兵千日用在一時况
我輩受

國恩深重宜同心戮力敢言退者斬公親手然入千觚大礮轟
沉夷艘數艇落水死者不計其數夷始懼退出外洋城賴以
全捷聞實授公廣東陸路提督并

賞戴花翎任二年以疾歸子五人長聯鼎國學生次超兩淮鹽
大使三峻候選府經歷四鈺候選布庫大使五聯炳聰穎善
讀書

武陵漢字天章號仙槎中和堡人幼奇慧就塾師視羣兒倍
其課長益刻勵家貧嚴冬棲破屋中寒甚以草薦障之讀弗
輟怡如也補諸生遊同邑朱梓亭門嘉慶辛酉舉於鄉以知
縣分發甘肅歷秦安甯朔調臯蘭均有惠政蘭人愛戴深呼

曰武青天升秦州牧旋擢甯夏府廉介率屬政譽益茂兩攝甯夏道絕饋遺措治無少誤大學士長文襄總督那文毅皆器之丁內艱去服闋除知徐州府府有大猾某虐良懦黨羽甚夥官此者畏比豺虎凌漢至立按誅之窮治其黨一罷肅然攝徐淮道尤瘁心河務以老乞骸旋里築小園顏曰豐獲屏居其中耕且讀焉

朱久括字巨源號梓亭優貢生中式乾隆戊申 恩科舉人嘉慶辛酉大挑一等以知縣分發雲南歷任有惠政咸爲朱青天歿入富民名宦祠崇祀富平鄉賢祠其政教俱詳王文恪公傳內方其卒也男停畊女輟織衣縞素而哭者千餘人

哀痛號泣如喪其親門下士沐其德教者徵爲詩歌名曰遺

愛吟蒲城王文恪公鼎爲之作傳

吾友朱梓亭者雲南富民令吾陝富平人諱久括字

巨源號梓亭先世累有封贈尊甫理齋公以孝行旌表公兄弟四人公居次生而穎悟有過目成誦之資溫厚寡言笑性孝友門以內無間言比長留心濂洛關閩之學以正心誠意爲本乾隆戊申由博士弟子員領鄉薦四上公車限於額不第嘉慶辛酉以大挑出宰滇南蓋將舉平日所講求者實欲見諸政事矣在滇垂二十年歷任平彝宜良羅次景東恩安會澤嵩明陸涼諸州縣所至皆有賢聲而於富民爲最久先是平彝有青天之譽隣境士民且爭相景慕及莅富民任治行益著富邑漢夷雜處民俗於三月三日祈福於法華山之真武閣其靈芝山之慈勝寺則以八月十八日遊人最盛奸宄易生公至朝夕設香案宣講聖諭廣訓並令師塾中各相肄習自是民咸知秉禮畏法邑有九峰書院因舊址重立新規士風以振邑數有水患則向之土溝多以泥木作壩公親臨履勘改修石工農田永利賴之邑向無蠶桑婦女亦不諳紡織事公相度土勢教以樹桑並親蠶試絲民之無力爲機具者官爲給之永姚軍需項下存銀千數百兩公盡

給地方置公田歲得穀二百餘石建厥貯之按歲增貯以備
不虞曰任郵倉公以嘉慶二十四年六月補富民道光四年
六月卒於署在任凡六年富民稱理其卒也富民之人男停
耕女輟杼土庶之衣縞素而哭者數千人如失慈父母不移
時以公實政請於大吏大吏以聞入祀名宦祠富民去富
平將萬里公之去鄉也且數十年矣而德之在富平者有王
彥方劉如愚之比公居美原鎮北有炭井民資以生忽有
水注挹之不竭取炭者幾無措公齋戒爲文焚香虔禱是夕
井裂如雷水涸而以炭資生者如故非其誠意正心感格神
明之一驗歟道光九年四月富平士民亦以其實行上請如
富民事崇祀鄉賢祠贊曰滇南之去關西九千餘里何斯民
好德之心異地而同符耶非公之德實有入於人心而無間
者能若是耶公所著五經會意史論心法正蒙句解關學續
編明月山房詩文集膾炙人口皆其德之緒餘發爲文章也
抑豈足爲公多乎知公者其亦觀厥本哉賜進士出身
誥授光祿大夫經筵講官太子少保戶部尚書軍機大臣前
都察院左都御史吏部禮部刑部工部侍郎提督江西學政
總理順天府事署河南巡撫直隸總督蒲城弟王鼎拜撰

楊定國號希于明武進士舊誌僅載科名未詳宦績按希于

公由文庠就武中萬厯乙卯科進士厯武職俱有戰功常在

西陲時名王巨敵聞之莫不喪膽後鎮守朔方軍威頗振禮

部侍郎郭正域有賀楊將軍晉封貳師序陝西布政司張鶴

鳴有贈楊將軍移鎮朔方序並存楊氏家譜著有鍛翮草詩

集兵燹失存邑解元劉雨化先生撰鍛翮草序云

文武相需如左右手

然相非專文將非專武而文非僅飾治武亦非僅戡亂也昔
如鷹揚尚父元老方叔入則陳書出則仗鉞卽代之降也而
謀帥者首及於說禮敦詩平吳者不嫌於輕裘緩帶負東山
之望者旋挫符秦之鋒寒西戎之膽者還收佐命之績而其
重武也橐弓卧鼓之世張皇克詰者猶競競焉推轂授將矣
文網從寬甲冑不拜非獨用人之命不索尊正以隆體者養
威而重武所以重國也自時分治亂人分文武文漸重武漸
輕而積重積輕之極於是持文墨者動以苛文小禮責人於
履肝涉血之間至今握兵闔外者畏內甚於畏敵避舌甚於
避鋒束縛酌知不堪馳驟神氣奄奄而窺關啟疆者之漸生

也亦其勢然也夫武不可輕也卽謂可輕亦就純袴之債帥
論耳豈有磨楯草檄橫架賦詩堯鑿而登騷雅之壇者亦可
輕乎哉而希于猶不免於敵此鍛翻草所爲作也希于略嫻
豹韜胸羅武庫當在西陲時繫名王勒燕然業已拜貳師鎮
靈武而竟以苛小見繩者挂臺評而歸搏擊方張六翻遽摧
垂頭懊喪亦何能無慨於心哉觴事感憤點次牢騷則咳唾
珠玉而昭回雲漢矣行將收豪宕之氣一入於平淡部曲溪
山歸依佛乘課花而易橫草投戈而厲慧劍太平忌忘戰而
英雄欲以休暇老是可爲世惜也卽今疆場多事聖天子方
捐髀而有頓牧之思則萬里長城舍希于其誰與託而蠢茲
小醜且相驚以爲飛將軍
出塞矣劉士龍雨化撰

李士英湖北恩施縣崔家壩巡檢丁艱起復銓廣西恭城縣
鎮峽寨巡檢告病解組百姓製送衣傘恭頌清廉正直四字

鄉賢

張炳坤字煒堂盤龍張堡人工制藝門下登甲乙榜者甚衆

性嚴正孝友敦睦以明經終

武體觀字鑑亭中和堡人太學生自號澹園居士宅身以禮鄉閭化之性嗜書篤學耄而不衰著有澹園集四卷回亂並其藏書燬於兵

武履中字致齋中和堡人天資明決遂申韓學一時名公爭倒屣會西域用兵應大學士長文襄聘累功薦知縣初除廣西雒容以親老改官山西榮河下車政尙簡要後以力剔民弊爲忌者排陷落職輿論寃之

石汝懋歲貢生西淡村磐堡人性耿介敦品持倫銓平利縣訓導扶植名教士多感佩

陳從甲字蔚東鍾秀堡人謙冲沉靜學粹品端爲諸生時張鳳巢太守稱其器宇咸豐壬子科副元就職洛川縣教諭洛令朱運還請主朝陽書院同治六年回逆北竄以城防績薦升知縣未就中式同治己巳補行壬戌恩科甲子正科舉人光緒三年歲大饑洛令張道經病劇上憲札委辦賑務全活甚衆捐俸瘞死骸千餘推升同州府教授兼主講豐登書院時知府饒太守應祺延署課子兼攝大荔教諭卒於同州學署饒觀察撰志墓銘門下樹德教碑子龍鼎邑廩生

武鎮海字錫疇號東堂中和堡人候選翰林院待詔奉繼母孝事兄恂謹以質行稱於鄉里父病瀕危露禱於神病旋愈

以子瀚官贈朝議大夫三原賀瑞麟誌其墓

楊浚號松林嘉慶己卯科舉人學問淵雅規人繩己循循有矩武威張介侯澍稱爲淵映清才遊幕蘭州極爲制軍鄂敬亭先生所器重嗜古重義行助刊李檢討受祺堂詩集受祺堂海防集又刊楊忠介周易辨解及中庸解人譜藝林圭臬等書校刊頻陽四先生文集

朱寶書字御屏東朱堡人道光己亥 恩科副榜事親孝幼時天資敏捷讀書過目不忘作文自抒性靈不蹈襲前人擇師而事先輩名流皆以大器期許之及老授讀里門從者嘗數十人多成就子廷楨已入庠食餼

富平縣志卷之二
齊仁治字南湖城內南街人增貢生候銓訓導爲人言不妄
發目不邪視教讀義塾十餘年日講反身錄門下成就尤多
道光丁未勸辦賑務全活甚衆咸豐間修治城重修文廟皆
督工日不暇食由城工議敘教職候銓家素封與兄弟析居
推財讓產自擇屋之陋田之磽者

陳述昌號蓮亭東屏堡人僉事有虞六世孫世襲 恩騎尉
少食餼性孝友業岐黃急人疾苦尤加意貧乏不受謝儀仕
廣西恭城巡檢

馬克祥城內西街人由吏員從軍西征以功受甘肅嘉峪關
巡檢在任多善政年老致仕歸好善樂施鄉里稱之

趙汝鐸字瀉汀東屏堡人道光六年由吏員從軍西征張格爾積功授安徽祁門縣典史在任二十餘年咸豐四年髮逆攻祁門勢甚猖獗糧盡援絕知縣唐治膺城固守內外音信不通鐸告奮勇出城求援師夜率孫衝賊圍赴皖南帥府告急及大兵抵祁城已陷祁令唐公已被害鐸隨軍衆克復旋攝縣篆年餘復丁艱卸任歸服闋赴皖復任青陽縣知縣多政績孫名履泰由軍功授六安州吏目鐸致仕五世同堂享年八旬有八

件秉廉字介夫鄉飲耆賓義林里件堡人篤於內行慷慨多義舉道光二十七年大稜廉出粟百餘石調恤之次年又代

完通賦銀百餘兩全活甚衆村北五里許舊無車路村人每
值收穫時苦之廉割地捐金致成通衢至今咸利賴焉生平
飲助求實濟不邀虛名有以其行欲勒貞珉者廉力止之至
沒後堡衆感德者始製匾額表其門曰德洽閭里

田發甲字鼎臣道光辛卯科舉人學有根抵生平教人持己
以植品勵行爲先輕仕進不尙浮華主講南湖多所成就幼
失怙凡學問文章得於慈訓者居多甲亦克體親心卒以孝
聞事詳德教碑

孫丕基號輝山處士殷村新庄人性端謹事親孝博聞強識
年十五於十三經註疏無不貫通乃屏棄一切獨居古廟攻

苦十年日吟夜誦不輟嘗從數百里外借書鈔讀同時孝廉李雨村楊丹梯皆服其淹博然不喜作時文亦不應試或勸之曰讀書必爲功名起見古今幾無真讀書種子矣晚尤酷愛孝經性理及反身錄家居授徒嘗書非禮勿視四句於座以自儆著有功過格言四勿心法回亂燬於火後鄉里共稱曰眞先生

王廷瓊嘉慶丙子舉人大挑一等仕湖南新甯縣知縣居官多善政甫三月值尙猺滋事旋卽捕平以未獲首逆罷官後主講本邑書院門下多知名士

李澄道光庚子舉人歷任武功鳳縣訓導任武功時有快役

某橫甚一生被其凌生懦不敢與校而泣訴學署澄怒令門
斗杖二百後縣役不敢橫恣旋以他事免官去送者香花盈
道數百人叩於境外又閣學建力持文教額

孫君德字勳廷太學生道光二十六年歲大饑出粟賑濟鄉
隣賴全活者衆蒲城張堯山前蕪湖道美其行顏以澄懷雅
量額歿時謂家人曰吾生平所好者積德耳子孫雖愚詩書
不可不讀壽八十終

張維翰字金臺城西村南堡人康熙時歲饑輸米一百石於
邑以助賑邑侯李給以樂善知方匾里人共舉鄉祭酒焉
吳通鄉飲耆賓公正謹厚見重于時沒後衆立石稱道不衰

強任甘肅徽縣知縣歷署巴燕戎格廳甯遠伏羌等縣莅官居鄉善績頗著前邑侯伏羌王令君爲作墓誌以記其事

劉炳濟道光間由吏員從甘督楊征張格爾賊平授經歷先任江西南昌府經歷後調甘肅甯夏府經歷署甯遠縣知縣所至頗著政績

田丙字文菴庠生福建提學道本沛之裔孫植品端方勤於讀書

田淳明末歲貢生家小康淳爲人疎財尙義遇歲大饑出粟百餘石賑鄉里賴以全活者甚衆時流寇掠鄉里淳倡村人築城鑿池以備守禦一切經費大半皆自破其產爲之前二

志未經採入

楊翊清字鑑塘歲貢生學問淵深五薦不售遂絕意進取精探經史誘掖後進從遊極一時之選遇歲歉助給寒士周濟飢困動輒數百金不少吝惜著有雪堤文集待梓刼後失存子彬聯捷成進士人以爲積德之報云

楊敞字漢章解元楊聖一仲子敦品誼事親養志不苟言笑慎交遊每遇凶荒捐金助賑樂施遵父遺志精書學米南宮而得其神髓與蒲城張堯山齊名求書者遠近不絕道光初舉孝廉方正

楊可棟舉人敦品誼好行其德可棟未舉之先鄰村有貧婦

孀居事姑孝菽水常不繼姑憐其孝復恨己累於婦欲迫而嫁之可棟聞其事急出資數十緡以周其乏次年卽舉於鄉人以爲善報之速云

張大猷由武進士任浙江都司尙節義寡言笑絕夤緣上官以爲有古名將風旋以親老告歸遂不復出仕後子孫三世科名不絕

趙欽家門禮讓五世同爨楊斛山先生嘗稱羨之舊志失載田惟上字等一由歲貢生授延川訓導勤於課士邑故山僻少文士自上司鐸後按期課文捐設膏火獎勵文風丕振告歸授徒以孝悌廉讓爲鄉人倡教諭及門重實行矜名節故

從學多名下士著有浩然亭集田氏家譜藏於家

趙增號金峰字省齋增生鄉飲介賓品學兼優淹貫經史爲
王香谷高弟授讀講論不輟老猶好學不倦家小康累爲親
友代償積逋以致中落和平謙恭雖村夫婦孺皆知尊敬焉
著有讀史論綱鑑集解及詠頻陽四先生詩集惜散佚無存
田時豐號屏南鄉飲耆賓精醫回髮猖獗集團禦賊保衛一
方甚著績焉

田金彥字俊卿環山堡人倜儻不羈幼習武技入行伍從征
張格爾以功授把總未就職歸里息爭解紛鄉人賴以無事
修渠築池至今人稱利焉

并積倉太學生弟積庫鄉飲耆賓性皆和厚兄弟友愛少家
貧寒業市販後家裕鄰里有喪必挾資往弔又於堡內捐粟
四十石以爲貧乏者借貸一日赴市拾金數十坐待道旁待
原主還之歲終寄金數百於某號被盜竊去經理人邀倉赴
縣報案至中途倉云吾家不入公門已經數世遂歸不問本
年應納之地丁銀開卯時必一票完納人謂沽名倉曰吾不
忍甲長受追比之苦耳道光三年本邑與外邑數百人述倉
庫實行具稟學官以義士題舉前使者吳獎以行式鄉閭匾
額合堡送聯云孝友根乎至性爲表爲坊端賴二老言行率
其本真若兄若弟可謂兩難

田焱林號豐州歲貢生多隱德少不好弄日給役父母側人
以爲愚稍長嗜讀兄懷祥督之綦嚴兄怒則長跪請罪釋而
後已於經書外宋之朱程暨明儒百餘家語錄靡不研究立
功過格以自課門下列膠庠者三十餘人然教先德行後文
藝不徒以文字顯同治癸亥冬偷兒盜其牛越日獲盜鄉人
擬置之官是時邑宰政尙嚴切雖小偷亦置諸極刑君急止
之曰我未失牛死人何益盜聞之亦改行

范洪運龍崗堡人字疊興任山西平遙縣尉有政聲子五孫
十長毓琦鄉飲介賓次珩太學生次琳副貢生次玠拔貢生
實任洵陽教諭次璋太學生長孫志清邑廩生翊清邑庠生

懷清郡庠生振清安徽霍邱縣開順鎮巡檢死賊難元清庠
生性爽俊工詩禦回逆殉難以詩書教子孫以孝友稱鄉里
士人稱書香家者咸推范氏焉

張拱字端崖庠生城西村西張堡人髮逆之亂偕族孫文潛
倡義守城凡一切器械設施立爲籌備分方布守井井有條
值霖雨城東北圯時賊馬已馳至村東卽命文潛率衆守護
以車轆棹橙門板堵禦雜置鎗礮轟擊城得保全沒後村人
立碑誌德陳教授從甲爲文記之

朱綸字理齋初舉孝廉方正弗應後以孝行舉蒙

特旨建坊

旌表歿入鄉賢祠少有至性慷慨明達裕於財乾隆年間大饑疊奉邑宰諭辦美原賑務設局於城南之五龍廟躬親籌畫不辭勞瘁未嘗一顧家室人咸敬憚之活人甚衆鄉里婚葬外竭力資助善行不可殫述嘉慶元年年八十三歲恭膺

恩詔赴千叟宴賜壽杖黃絹如意荷包諸物子四人德南久括德

裕德括時久括德括以公車北上隨侍入都邑人榮之

師友尙字延古元亨堡人入興安庠乾隆辛酉舉於鄉以大挑分發順天厯任房山等縣聽斷明允邑無冤抑地接畿輔差驛惟繁委曲調劑民賴以蘇學富才博馮淑眉表其門曰經世儒宗著有舉業知津六卷行世次子毓英 恩貢生有

文名

師炳號玉山科子村人優行生甫四齡而孤性至孝事祖若母色養備至敦品行慎取舍言動舉止必以小學爲法爲其子舉行冠禮居家尤多義舉解衣推食貧家子必招之讀同里王貞女節頗奇乃篝燈作歌試日上其事於督學使者爲南海羅蘿邨稱之者再貞女苦節衣食喪葬始終多出炳士林以篤實君子頌之池陽胥公採其義行入勸戒錄著有王貞女從容就義歌卽是園詩文稿

楊四聰前明文庠後改文就武中萬厯庚子科武舉邑太保

孫丕揚賦河華吟詩以贈之云

君不見黃河之水來天上禹門三汲千層浪又不見太華

巖巖不可量三峯突起關西望三峯三汲萬古高君家三俊
俱人豪兩難邊塞鋪鴻畧仲子武闡展龍韜聖明推轂重賢
哲而况赴赴又一傑濯足萬壑流振衣千仞嶮起來喜出關
張右怒後便期衛霍前詞源直倒三峽水樹立應超五丈原
芙蓉初出仙人掌子欲投筆抒涵養魁梧氣萬夫雄築壇定
起龍顏賞當年三異河東鳳此日尤高蒲坂楊宏襟久抱萬
人敵倚馬行看十里香漢庭獨見趙充國計出萬全高九疑
芳名濯濯著金城願子終身爲法式生平染指壯干城試以
兵法爲子評常山勢背水盟猶是恆談不可憑昔者尼山父
席泗渡萊兵卻矣峽谷遇好謀成臨事懼此爲萬世轅門之
定論譬之人之相不在骨不在顏而在精神意氣間又譬之
地之形不在水不在山而在煙雲出沒間得之能正且能奇
得之利戰亦利守可以談笑洗甲兵可以單騎見虜醜可以
登臨封復居可以賦泉懸刁斗借問河華負何奇六六灣三
三曲紅日近白雲低最是人材剔春雪元元本本可曾知我
謂崑崙山星宿海大河源頭諸山托脈之眞宰吁嗟乎馬氏
五長白眉良楊家兄弟首重郎共道渠翁嚴大訓不減燕山
有義方若翁妙悟契濂洛入官晉魏振木鐸兩地諸生仰泰
山之子何難題麟閣鱣夢鷹揚萃一家龍蛟四起最堪誇武
備况從文事出托根深處自生芽西山有渠子所始更有翮

翩佳公子方今九歲卽能文他年定見充闔里滿酌曲封酒
聽我河華吟丈夫計適志將相孰淺深入以榮三接出以凜
七擒但令皇圖固莫教陰
翳侵不負本來最初心

劉玉琦字席珍一字錫三連城堡人北門石橋圯民病涉通
衢來往邑官紳議重建計經費甚鉅君聞首先倡捐以助又
省城垣補修大府傳檄各屬君亦慨助千金縣故無考院道
光七年邑令陳堯書擬興建君入白令君首捐銀一千陸百
兩後日若資不敷願足成之令大喜未幾君捐館次年考院
落成尙缺銀一千五百兩子二曰鉞曰鐘者念父有前言遂
力助以成其事可謂善繼先志者矣計君父子於邑善舉前
後捐銀陸千餘兩遺碑班班可考君亦傳名永久不替云

王登瀛字仙蓬邑西北三里村人曾祖克明祖思曾父守成
潛德弗曜瀛性質直語訥然如不出於口臨事果決能斷勇
於赴義生平無飾詞不惑於陰陽數術家言少貧廢學稍長
習吏事旋亦棄去習貿遷會計屢中得贏餘卽以伙助貧乏
中歲業日益豐家亦日裕而輕財好施性亦彌篤同治初回
逆蹂鳳翔瀛有市肆在郡城豫辦防守時餉糈坐匱慨助軍
餉銀二千餘兩當道奏請獎敘授職同知四品封典復捐助
鳳翔書院膏火銀一千兩府城解圍後死者暴骨中野災沴
爲殃瀛置義園一區計費銀八百兩俾資掩埋捻逆入秦瀛
亟捐錢二千串修築所居堡城兼製守具附近居人多倚賴

焉繼又修建合族公祠三十餘楹置祭田一百畝共用錢一千七百串又捐錢二千串發商生息以給本族冠婚喪祭之用又於本堡設立義學一所捐錢五百串歲大歉復施錢二千餘串賑濟本堡及附近飢民次年復散耕牛籽種又捐錢八百串取息以給本族貧乏年終津貼又捐錢三千串生息以給合邑小考卷費初邑試卷價無定額文童入庠隨其家資之肥瘠以取與之厚薄由司事者酌之登瀛有子某入邑庠習知其弊特一意成茲善舉俾寒畯無逼抑之苦光緒十三年署邑侯樊令君憫舉子赴禮部試長途跋涉費用爲艱擬捐銀千兩取息以資會試經費樊侯首捐銀叁百兩俟後

賢足成之瀛聞慨助銀七百兩以成其事嗚呼如王君者可謂好善樂施之君子矣樊侯調長安去繼任者爲焦令君時久雨文廟墻圯焦侯出資屬君視修築價廉而工速焦侯甚重之未幾病卒姬人某氏遺腹生一女

師以嚴字芝巖科子村人光緒己卯恩貢生品端學優文采華瞻留心邑里善行忠節尺牘寸楮必爲記載誠一鄉之善士茲志採訪多賴焉未幾病卒

儒學

馮甲榮號南圃博學工書名噪關中屢薦弗售以明經終硯農有傳

賈文茂字漆陽古城村人生有異稟書過目成誦嘉慶庚午
舉於鄉典試得茂策歎淵博大挑一等授知縣非其志改教
選徽縣諭晚年學益邃常語門徒曰讀書若挹大海何時能
盡遑云著述耶時蓋屋路太史德以文學重海內常質疑義
於茂弟應龍亦績學人號書篋壬戌回亂遇賊不屈死

馬鵬遠東咸寧堡人以明經就甘肅文縣教諭敦倫常扶名
教尤嗜古書文負笈學署者常數十人士林奉爲圭臬

師作屏字樂胥科子村人廩生博學工書尤精於董華亭一
時碑銘誌版多出其手著有暴富集

武鴻基號西峯中和堡人少穎悟倣儻不羈鄉先達目爲大

器家奇貧有伯鸞質靡之風嘉慶丙辰受知於陳遠山學使
補博士弟子員拔入關中書院肄業文名大噪岳一山楊蓉
裳趙味新童萼君諸先生咸賞之鄰邑攻舉業者咸負笈從
游一時登甲乙榜稱極盛焉嘉慶庚午鄉試永梅庠明府分
校得其卷奇之呈主司卒以額滿置副榜西峯知數奇就職
安康教諭以端士習維風化爲汲汲先是朽者某有孝行紳
耆具事實由學詳請旌大府以冊不如式格之先生至牒數
上反覆辨論始聞於

朝卸篆後邑人士延主關南書院有湖學之目後司鐸蒲城又
任寶雞所至執經如雲初先生之任蒲城也王文恪公鼎奉

諱家居重其品學屢相過從以道義相劘嘗語人曰此第一
廣文也卒年七旬有四學者伐石樹碑誌其教澤稱曰西峯
先生蒲城原太史鉅表其墓

武東旭號晴岩中和堡人嘉慶己卯科優貢父景韶福建霍
童巡檢書學率更能作擘窠字旭工古文詞亦能書撫軍鄂
山公辟掌書記尋司鐸保安保舊無邑志旭偕彭令君瑞麟
創輯焉

陳檜齡字昇仙號左軒謝村人廩生博古有識精於詩賦村
舊有乃祖漆濱公建設仁里義學因設教其中著有左繆山
房詩稿待梓

何文蔚字豹南卧龍村人咸豐辛亥 恩科舉人經明行修
主講南湖書院幾十載循循善誘回匪亂勦理城防以勞績
保知縣改授隴州學正兼攝五峯書院主講教澤洋溢卒於
隴州學署及門樹德教碑

高懷清號簡西由舉人官玉門教諭學業鴻深工書精武藝
門下登科者不絕後任玉門創修進昌書院縣人爲之建祠
報德焉著有印月堂詩文集及制藝星象痘疹數十卷藏家
邵昇陽字日中號忍山年逾三旬始發憤讀書有志聖賢屢
薦不仕親歿廬墓六年與翰林內閣學士路談庶吉士侯龍
章爲林下友後隱於醫所著有故厯醫書十二卷聖脈源流

考一卷市隱小草詩一卷邵氏家譜一卷冲口雜作一卷
粵乾字信天增貢生衍方表正究心於程朱之學前撫部劉
公蓉聞其品行高潔令聘爲關中書院監院旋病卒

馬焜字蓮鏢號乙峰義林里納乙坊人博學能詩年弱冠以
縣府考取五場案首入邑庠科歲試復冠軍鄉試屢薦不售
遂遊幕省垣李明府撫之顧司馬瀉慶皆愛其才錄爲門下
士後某學使督學江西浙江諸省焜從之倦遊旋里年已近
七十矣猶自閉戶潛修日以古書圖畫自娛著有詩文集四
卷評選明大家古文六卷回亂皆燬於火以增生終士論惜

之

彭福魁字梅軒歲貢生閩村里彭堡人性豁達爲文敏捷自出機杼授徒善啟迪從遊者多知名士如翟竹軒唐文棟輩皆出其門晚尤精於易隨事斷人吉凶其應如神

田穆副貢篤實好學至老弗衰著周易淺說待梓稿燬於兵燹

李關號雙槐由舉人大挑知縣自請改教性誠樸博涉子史好讀書嚴冬盛暑至老不倦自號懶雲子著有懶雲稿未梓兵燹失存

王蘭谷號秋芬長於詩賦文詞善啟後學由副榜主講南湖書院文名洋溢居家教子負笈從者每數十人如蒲邑張方

伯石洲雷觀察介石俱出門下

王樞字乙垣號立峰道光壬午科舉人孝友嫻睦學富遇艱年五旬始登賢書授讀於鄰近各邑門下擢巍科列顯仕者十餘人著有思勉齋草摘錄鳳洲綱鑑十卷均未刻評選唐宋八大家古文暨有明欽定文存於家

王楫字松舟號月西樞弟也歲貢生博學好古著應酬彙選一部西京時語一卷陰陽選擇二部

王愛蘭號香谷嘉慶癸酉拔貢學博望重設家塾四方從學士齋恆不容教人先品後文及門登甲乙榜者指不勝屈如楊彬王建官朱學海王憲章李關李澍王樞孫效曾李東森

八聯璧皆其弟子也著有香谷課業兵燹失存

曹暉吉號春山弱冠入邑庠嗜古書古文詞取法八家自成
機軸一時誌銘碑版多出其手及門成就頗夥池陽孝廉王
自策邑貢士楊名第尤著者初見賞於長熟陳學憲拔置冠
軍繼見識於吳忭堂大令膺鄉薦插架書策手白丹鉛制藝
文允該博前邑侯江右吳令君六鰲聘勦修邑志同館竇竹
亭張力夫推其博雅志成畢中丞秋帆贈以珥史國華匾額
著有旭日齋詩文等稿

董志敬號清江西董堡人少有大志不屑章句經史子集過
目不忘年二十負劍托黃冠西走金城岷洮北渡黃河登賀

蘭山薄遊漢南浮江淮至錢塘足跡半天下以奇氣發爲詩
歌不摹擬漢魏勦襲三唐天籟自鳴音節入古日照卜祚光
觀察潼商見其詩稱爲仙才晚歲居盤龍寺著作甚多散軼
不存馮硯農搜集得若干首與周懋康詩合刊爲頻陽二布
衣詩

馮雲杏字樵雲號硯農帶荆堡人性穎學富精古文詩詞門
下士多得其衣鉢以明經授涇州學正致仕後校刻頻陽四
先生文集受祺堂詩文集醉溪齋集二布衣詩拜石軒詩文
集五貞女傳義資記樵雲家訓讀史臆說讀史偶吟豆棚新
語擁爐閒記讀經偶鈔楚辭香草水經注勺錄文心雕龍摘

麟關中名勝錄麻痲痘疹等書朝邑李元春爲撰墓表

師臯颺號小山原名可觀西咸寧堡人入孝義廳庠家貧孝
養父病劇嘗糞學有根柢工書善繪以明經遊幕州邑余葵
階龔任臣兩太守延課子肄業關中時主講周筱村侍御深
加器重何太史子貞督學四川延校士得宋人拓本顏魯公
書麻姑仙壇記遂以油素雙鈎刻石藏其家勉學齋書法蒼
老關中盛行近碑林墨刻有贗本識者辨之

竇鳳輝字竹亭東屏堡人科目官銜載見前志乾隆戊戌江
右吳邑侯延入志館總修邑乘事竣蒙撫憲畢公大加褒獎
窮經究史殫心著述少受知於西毫喬敦峯邑侯卽有天仙

化人之目歷溯生平其貢成均主講南澗登賢書宰江右以
及解組歸田日以詩文爲性命所著有錦嵐堂詩文合選錦
川南遊江干湖濱草園煮夢等草一時名公卿如山左李星
門州牧涇州周學山侍御大司農裘文達公皆推爲文壇哲
匠

朱學海嘉慶癸酉科拔貢生官韓城教諭司馬坡碑文出其
手時稱隼筆後由舉人官江蘓豐縣以古文著名

楊曰昇號白石明天啟辛酉科舉人考取第六名明通進士
按白石公攻經傳博涉子史弱冠嫻吟性尤篤於孝友結交
皆四方知名士如光祿文太青孝廉劉雨化檢討李因篤與

先生班荆邀遊莫不傾心著有語冰集詩鈔又有明臣倪元

璐名修明史書存楊氏家譜陝西通誌有傳並邑人李因篤

撰三瓶齋詩序舊誌失載予邑前輩所稱四先生張豕宰鷄

保立山皆以行義著名海內而中丞兼有文辭之美予向讀

中丞寄鄉人東海驛驛宰詩有崇卑豈限丈夫志人生何必

皆公侯之句喟然善之不徒取其聲調亦以見前輩貴不掩

故賢不遺士皆足以風世而正交楊太舅白石先生中丞乃

其自出也先生生而修偉弱冠好吟所交多四方知名之士

讌集無虛日是時文光祿太青劉孝廉雨化雅負著作之望

狎主齊盟先生遊其間兩公皆降心相接間過先生又未嘗

尹皆有惠政稍遷郡丞先生慨然曰丈夫不得周旋侍從陳

史事於天子之庭斯亦已矣奈何從簿書老乎因拂衣歸歸

而高枕林臯益肆力於聲歌凡著三瓶齋詩若干首寓書雁

門屬因篤為序因篤非知詩者然而先王之鄉聞幽雅之舊

先生固予之自出使夫趙趙廢命先君子往矣如渭陽何予

觀思齋皇矣生民公劉諸什皆稱述祖宗之功德而作故列

於大雅南陔白華言士庶人之孝則在小雅又有聲無辭目
以笙詩至晉束皙乃補其篇意亦近之然其音不可考矣愚
謂華黍由庚崇邱所論歲豐民和之事古今不相遠可以譜
爲新聲若夫南陔之色養白華之潔白吾意其人必皆窮年
行役不遑將其父母中心傷悲又遭時不偶降志辱身而其
詩多愁苦抑鬱殆有哀過於蓼莪怨深於北山者故詩人闕
之不得次於大雅苟無其情何以審其音無以審其音斯無
以致其意昔之情不可知其音則缺有間矣先生之斯無
母也寢門之意甚備母老而失明先生晨起必躬自砥濯之
凡數十年不衰嗟乎其情之纏綿而悱惻者其必鏗錫而
娜先生永懷明發無忝所生光彩斐然根於至性故皆南陔
白華之遺響一氣迴翔而成夫天下不少詩人而剝心削意
求工一體或竭終身之智力而不能得自先生視之卽無本
之波耳豈足尙哉予頃登恆嶽於土塵中得中丞斷碑僅有
古磬落長松之句約畧可辨其他皆將磨滅已移書曹侍郎
秋岳檄主者更豎之歸而序先生詩喜其淵源所漸先後同
揆且見邑之多君子也博
學鴻詞李天生因篤序

友悌

張可麟可鳳西鄉吳村人兄弟業農而極友愛出入相隨甘苦必共可麟病可鳳不脫衣帶侍湯藥數十日無倦容

孫振烈字廷爵號海青庠生處兄弟和睦數十年無間言年八十餘卒

紀成勳號月川蓋村九甲人乾隆二十年乙亥恩科舉人任中衛縣教諭昆仲友恭門生嘉慶乙卯科舉人俱清鑑顏其堂曰華萼堂

紀佑清舉人家門禮讓五世同居各安本業內外和睦鄉人稱之

王玉瓏弟玉琦呂村人均係農民兄弟聯居相尙友恭衣食

無異形影不離出門伯先仲後自壯及老鄉里無有見其獨
飯獨行者玉瓏年八十五卒玉琦年已七十六哭泣盡哀每
飯必薦出必告反必面焉友愛至性遠近咸稱道之

義行

董福安澗裏董堡人家小康好義光緒三年四年連歲大饑
福安貿易甘肅遣人偽作客商狀查列董家三堡花名口數
給賑計錢二百餘串文不使人知救活甚夥迨後村人訪明
製匾銘德

董其祥金陵堡人樂善好施遇凶祲賑濟鄉黨又捐金修金
定渠石橋利濟行人

武循理字文治號玉田中和堡人慷慨樂施道光甲午歲大
饑出藏粟全活無算戚某貧無依時恤其家兼割腴田四十
餘畝使自食里中婚葬不舉者輒賙之初從邢文毅營襄理
文案將從優敘力辭得免以子鎮西官知縣贈奉政大夫孫
沅主事贈中議大夫

田生璽字瑞國鄉飲耆賓積學不試好讀先儒書年六旬餘
日臨唐宋法帖居鄉以睦婣任恤爲先鄰翁張某年老子外
出無音耗翁媳貧乏璽賙濟終身衣食無缺族叔某別爨有
年迎養生事死葬悉如禮故人某累債將遠徙璽曰友急不
顧何友爲鬻己產代償之他義舉多類此

陳崇美石道坡人性慈善植品端方月窟山後有蹊徑旁臨深谷屢墜行人牲畜咸指爲畏途崇親執鋤鏟覓工除峻險闢狹隘殫數日遂成坦途復置石欄以防傾跌往來者稱便焉

耆德

陳元禮監生性寬厚貌魁梧年七旬有六嘉慶元年開千叟盛宴馳赴京蒙宴

太和殿

上賜銀牌黃絹紅縐青布鳩杖等物

褚懷字德軒性謹厚敦行誼嘉慶間白蓮教亂家傭何福興

驅騾交軍營差懷踪跡至時軍事嚴急度難脫遽遣福興歸身自供役日久帥嘉其篤慎自以行囊付懷運榮以頂戴使總管諸騾夫運八年未通音耗家人疑其死也及賊平帥欲以勞績褒用懷以母老身孤泣求歸養後母歿喪葬盡禮道光九年因糴粟居宜君縣之士紅川其地五方雜處去縣治僻遠向多梗化懷至勸以遜讓申明大義其人始遵禮法附近三十餘里事有不平者皆就決焉道光二十七年富邑饑本村與鄰村往來寄食者三百餘人無吝容亦無德色在宜十年義問昭著年七十餘歸每於歲時伏臘鄉飲時諄諄以敦孝行重斯文遵王法息爭訟訓衆至九十四歲猶強健

日忽覺弗豫村人咸問歎曰吾今死矣汝等記之窮死勿爲盜虧死莫告狀故村中百餘年無爭訟者

王會之爲秦藩端禮門門正篤厚忠誠厯事秦簡祖以迨嗣長殿下後薦於朝敕授管領內司諸務景泰末年卒前志失載

石夢麟業儒舉

恩榮壽官生平一毫不苟至老手不釋卷精通醫術活人甚多年八十卒子炳同治甲子科舉人原任興安安康縣教諭光緒五年卒於署孫松齡庠生娶妻劉氏同治六年髮逆亂劉氏殉難曾孫含輝卽劉氏所出少年入泮

邵端西鄉赤兔坡人武舉萬青之子精幼科善拳勇植品方正鄉人所佩咸豐九年九月策騎過寺東值土豹人立來攫端徒手急摘馬鎗奮擊斃之村人前往取食其肉大與虎等乃共詫其勇力同治六年正月十三日回衆千餘出北山涇原臨渭賊居多端村當衝途甫出門賊三十餘騎執戈呼端隨之去可以遂所欲端曰爾賊也誰從汝賊怒齊進端持大刀將鬥突一賊馳至曰此邵端也勿輕敵賊逡巡去蓋鄰封賊識端技勇後寓陵李溝八月初三率子移家具入寨夜半聞聲震屋瓦疑爲賊呼子同往視見巨蟒身如甕長三丈餘盤旋庭院中命子以矛刺之蟒見人至昂首六尺餘相吞噬

端舉刀迎之裂爲二視其角如巨杯焉

方技

王懋德嘉慶時邑庠生事多前知或稱其遇仙嘗以泥作尊彝餅鼎諸器注水無異金石隨意以木雕山水人物饒有生趣人多珍重焉後莫知其所之

劉文事善技術嘉慶十四年天旱邑令設壇祈禱不應縣人爭祈請文事乃築臺虔禱日向午天無纖雲突震雷烈風雨下如注頃刻沾足周回四十里田禾暢茂至今人稱之

田崇禮學法術於西藏遨遊天下以救濟爲心晚年歸里適邑令仇公署內有妖祟人崇禮至知爲狐精設法斬除之始

愈乾隆間其族叔田蘊玉亦精符籙旋值亢旱以術祈雨於
洪福寺被澤者甚多崇禮三子亦能技術

流寓

蘭玉堂字寶森耀州籍世居富城安籠鎮泗元孫道光己酉
科拔貢銓甘肅直隸州州判性純孝工隸書善繪事著有畫
譜詩草十桐園雜記由城工保知縣倡修本邑三班所分別
民匪設立條規邑人稱之至甘肅委提山陝茶商抵陝省旋
奉委署甯州知州以賊亂道梗回富平幫辦城防次年病卒

科目

孔門德行言語政事文學分四科取士分科自漢世始如賢良孝廉明經爲科之名目是所謂科目者也於是舉人進士各爲一科迨後鄉會試獲雋者則以歲之支干繫其年以別前後如甲子乙丑之類是也今志科目列爲表亦以支干稱敘次云

凡天子自詔曰制科舉人就職曰大挑分一二等一等爲知縣二等爲學官進士則分內外官內而京師則翰林部曹中書外則卽用知縣閒亦用爲府教授者隋唐以來重進士科明增舉人科唐崔氏宋洪氏作登科記明有進士

題名碑然其備載獨賴夫方志而已近今科目取士爲仕
宦之進階非古舉官之制矣

科目表

稽古右文濟濟多士勉為實學典章是備制義詩文
盡其能事煌煌簡編古訓足式藉取賢才晰明經義
服古入官蓄為偉器學優則仕作科目志

宋

進士

舉人

武進士

武舉

慶元

張大中

二年
鄒應

龍榜

金

興定

劉光

五年
劉遇

王珪

劉逢辰

宣皇朝志和卷二

任時亨

王哲

王大禮

伍時武
科以上
失攷

元

延祐

張彥成

仕五年

使川道廉訪
載人廉訪

許貫道

官監

史

察御

五

三

秦定

張

敏

四年
載人

馬好古

美原
人章

物

唐

壑

載人
物以

劉光美

美原
人官

下科
目
失攷

至知府

惠元

劉松

蒲城
教諭

閻廷玉

王希哲

李戩

劉棟

成紀
教諭

宇文襄

履歷俱
失攷

明

洪武

爾朱欽

五年
壬子

科目表

永樂

科解元見
進士戴人
物

杜玉
二年
丁十

卯科
連教諭
筠

王格
二年
年十

庚午科
城縣教諭
聊

何昇
二年
年十

癸酉科
翔府知府
鳳

張英
三年
乙酉年

科

房 瑞 鴻臚寺序

班

來 秉 九年辛卯

科

石 慶 見進士

第五 規 十五年丁

酉科

樊 健 十八年庚

子科 知縣

李 恭 二十年

石 慶 三十三年乙

未陳循榜 禮部員外

爾 朱 欽 十九年辛

丑曾鶴齡 榜蒲圻縣

縣丞載 人縣丞載

高宗六

科目表

正統

天順

科癸卯

科

吳恕

戊午年

黨

忠

辛酉年

理科

載伊府審

鄧

哲

甲子年

理科

教諭內邱

劉

順

己卯年

理科

載夏縣知

竇

茂

光祿署

宣集志卷八

三

丞

蓋

萱

六年
壬午

知科
縣資
縣

王

翰

順慶
通判

惠

祥

登州
通判

判孫恭介
公稱其宜

入鄉賢與
論甚孚惜

無事實
可考

黨

俊

順天
中式

知故
縣城
縣

景泰

成化

宏治

劉春

縣知縣載
科經魁冠
人物

李英
癸酉年

魁科亞

李恕
二十年

亞丙魁
午科

李

恕

丙辰年

朱希周榜
貴州參議
載人

正德

嘉靖

李宗樞
年十一

進士
子科見

楊爵
嘉靖七年

戊子科
見進士

陳正
潞安府

判孫恭介
公稱其宜

入鄉賢與
論甚字惜

無事實
可攷

王宗堯
綿州知州

載人
物

李宗樞
癸未年

姚來榜河
南巡撫載

物人

楊爵
乙丑年

羅洪先榜
河南道御

史載
人物

曹汝菊 辛卯年

科襄陽通判載人

曹汝葵 丁未年

酉科蒙陰縣知縣載人

物人

杜桂 開封通判

由天性 二十二年

癸卯亞魁通判

合州通判載人

李羔 二十八年

萬歷

孫丕揚

三年十

丙辰諸大
緩榜吏部
尚書載
人物

孫丕揚

三年十

已酉科
亞魁

壬子科
見進士

呂

恕

順天
中式

王府
教授

樊

釭

三年十

乙卯科
氏縣知縣
猗

張

執

七年

科河間府
同知載人
物

劉應聘

十一年
壬

午科

劉應徵

張正化 十年午

科長沙 府通判

楊正茂 十六年戊

子魁 亞魁

楊名顯 二十年

丁酉科 晉利津二

縣令以儒 術節吏治

歷官 有聲

劉士龍 三十年

癸卯科 元載人物

馬驥

楊勳

張應科

秦國棟 己酉科

魏汝孝 見進士

楊四聰 庚子科舊

志失 載

劉必道

趙安宇 平番都司

李晨武 四十年

唐光耀
刑部
南京

郎中
載

唐文煥
見進
復

姓周
載

李大芳
三年
十年

丙午
科

馬應舉

寶允哲
歷
嶧

水黔
江息
縣知

縣有
循聲

乙卯
科
見進士

喬玉璋

李希錫

李玉佐
四年
十年

丙辰
科
遊擊

李國英
甘州
都司

魏龍圖
四十年

戊午
科
紅崖堡守備

楊明世
戊午
科
舊

志失
載

周文煥
三年
十年

庚戌
韓敬
榜吏部
郎

中載
人物

王爾玉 二十七年

己酉科
見進士

李正芳 順天府通

判有學行

田光宇 鳳陽通判

有政聲居州參將
鄉出粟賑載人物

饑縣令崔
允升表其

門

張崇德 四十年

子科文登
縣知縣有

楊定國 乙卯科副

總兵都督

魏汝孝 己未科甘

州參將

楊定國 見進士

天啟

政惠

李冲霄

田時震

見進士

喬王翰

三十四年

乙卯科河間府同知

張其勳

吉安府知府

府有幹才
官聲克著

趙濬

滕縣知縣

李昌年

嘉祥縣知縣

朱國棟

辛酉年

科目表

田時震

壬戌年

董振鐸

完縣知縣

科文震孟
榜江西參

楊日昇

嘉興同知

政載
人物

張橘

冀南少參

朱國棟

山東巡撫

何顯瑞

甲子年

載人
物

王爾玉

乙丑年

科河南

正載

余煌榜
夏縣知縣

仇桂芳

涪川中牟

進士見

有德政知縣

崇禎

楊之翰
夏津縣知

縣崇禎甲戌會副載

物人

李一杜
丁卯年

科

田在雍
庚午年

科城武知縣

孫鍾皋
見進士

劉順天
涑水縣知

縣有政績

縣知

黨從戎
庚午年

科

鄧仕寅
癸酉年

科

李春芳
丙子年

李祚昌

六年
癸酉

科

邵應聘

甯晉
縣知

縣有
惠政

周來鳳

德安
道僉

事

張乃第

九年
丙子

科載
人物

田本沛

見進
士

張鯨音

十二年
己巳

科

田紹單

十二年
己巳

卯科
守備

李宗牧

張平世

李維漢

李自柄

宋用直

沈國奇

趙温

卯科潞
城知縣

李本澤
南陽知縣

政有善

田奉先

李品馨

趙兆麟
總治陽

都察院副
御史見

都人

王象天
十五年

午科見
進士

邵大武
十五年壬

科午

劉鬲世

王三錫

楊毓華
以下分科

無攷

李旆

李芳

李條

楊衛國

張冲翼
河南道御

史

田本沛
十六年癸

未楊廷鑑
榜福建學

入道載物

孫鍾皋
寶應知縣

物載人

惠可行

宋復振

樊登選

田攀龍

路雲程

宋鎮強

李王翰
見進士

田時升
見進士

秦之翰
見進士

王本治

田時升
戊辰科
山

海關副將

李晨武

秦之翰
辛未科

李王翰
遼東參將

李捍芳

田振國

劉耀武

李希聖

楊啟元

楊廷佐

宋登雲

李希賜
文縣守備

楊良翰

李王宣

黨錫戎
見進士

田而碩
見進士

李承翰

王宗禹

劉起龍

沈抱珠

李桐

李王佐
見進士

李良弼
見進士

黨王捍

黨錫戎
丁丑科

田而碩
癸未科

清守備

李良弼
甯夏衛守

國朝

順治

王象天

丁亥四年

呂宮榜湖
廣學道載
物人

孟孔脈

乙酉二年

科稷山知
縣載人物
王繼祐
鎮平知縣
載人物

趙經邦

乙酉二年

科古浪
所守備

孫時雍

黨鼎昌

姚振國

見進士

邵可仰

竇琳昌

入年辛卯

李國柱
甘州守備

備

王靖國

李國柱

見進士

田萃禎

洱海道

王道隆

見進士

田萃禎

見進士

魏象膺

順德通判

載人物

王道隆

甯武知縣

李鵬鳴

禮科給事

劉在宸

載人物

陳有虞

丙戌年

朱廷璟

科進士

韓文

濱州知州

張聖溥

載人物

玉山知縣

縣政績

邵可仰

壬辰年

姚振國

科建安

乙一

未科太倉

鄉行

黨雲龍

科甘州衛

田繼苴

甲一

王化

科午

營都

魏象賢

丁四

科酉

康揚武

守備

范應侯費縣知縣

載人物

何翊漢江都縣知

縣載人物

田徵瑞戊子年

科

陳正己大興縣知

縣有政績

王偉

李濟縣知

惠瑾十七年庚

子科衛輝參將

惠瑾拱極城遊

擊見進士

李廷徵

張瑞鳳十七年庚

子科潯州營守備

高卷六

科目表

卷

劉可盈 甯陵縣知

縣有政績

楊紹武 見進士

劉成美 八年辛卯

科

李本深

趙述 十一年甲

午科見進士

曹玉珂 見進士

趙之玠 十七年庚

楊紹武 六年己丑

劉子壯榜 永嘉縣知

縣載 永嘉縣知

朱廷璟 左江道載

人 物

陳有虞 九年壬辰

鄒忠倚榜 仙遊縣知

康熙

縣載
人物

曹玉珂

年十六

亥徐元文
榜內閣中

書載
人物

趙述

年十八

丑馬世俊
榜官浙江
麗水知縣

子科

王兆熊

科名
失攷

山西和順
縣知縣

田而穉

衛州教

授

王廕

孫經天

仇延祉

二年
癸卯

科平涼府
教授載人

物

陳範

二年
癸卯

茂威營參
將見進士

李習賢

五年
丙午

趙遊麟 丑年
丙午

科

張四維

張愨 乙酉
八年

科崇仁縣
知縣載人
物

田若琬 順天
舉樂

昌知縣
載人物

田而芝 慶陽
府教

授

陳範 丁未
六年

科副將
載人物

溫養度 城守
營守

備

石琮玉 乙酉
八年

科

黃象經

張弘勳

李扶世

李孕玠 十一
年壬

子科見
進士

石天樞 天津糧道

載人

王子京 十一

子科 縣教諭

王篤祐 見進士

劉選

李蔚 十七 戊

午科 進士 見

惠霽嗣 見進士

李之桂

李孕玠 十五 丙

辰科 守備 有政 聲

朱廷琬

王雋蕙

田而生 十七 戊

午科

何昌志

改謙六

任繼善

王振先

朱斯紱

王道紘

王篤祐 十二 癸

丑科 韓莢 榜官 知縣 載人 物

紀揚世 順天舉

王雍 二年辛

張憐 二十一年

許襄 二十三年

雷先春 二十九年

王雍 兵科給事

李棻 見進士

李蔚 先人以舉人

田瑛 二十三年

從軍署丹稜縣知縣

石啟萬

閣學孔

鍾先寵

陳璜

王天祐 二十二年辛

營守備以藍酉科臨

勇稱禦 寇有功

王維翰

田而上

趙玫 從征 噶爾

惠 霽 嗣

年三十

未戴有祺
榜通海縣

知縣載

李 栻

三十年

丁丑李蟠
榜永定縣

知縣

陳 協 文

三十年

庚辰汪繹
榜甯德縣

知縣

雷 先 春

西華縣知

李 極

洋縣
教諭

附人

陳 協 文

三十年

丙子科
見進士

季 樾

三十年

己卯科
皇知縣載

人

雷 豫 泰

新安縣知

張 崇 禮

累官刑部

旦有後
補守備

李 發 秀

二十年

甲子科

田 毓 珣

二十年

丁卯科

李 世 泰

趙 銘 雋

邢 雲

澤川北鎮

遊擊

李 朴

科目表

三

縣有政績

主事有孝行

陳協章

程迺

王作霖

惠陵

任席珍
四十四年

壬午科
鎮番教諭

陳重溫

李樟
四十四年

乙酉科
見進士

王秉哲

張淑
二十九年

庚午科

張桓
三十三年

丙子科

惠天錫
三十八年

己卯科

張昞

惠永義
四十四年

壬午科

孫嗣雍 同州教授

喬振先 東安縣知

縣

李 秦

來文景 四十七年

戊子科 解元 洪洞縣

知縣

孫百長

袁大選 馬邑左

二縣知縣

楊文標 四十七年

戊子科

何天民 五十年

甲午科

來
堦
五十年辛

卯科樂亭
知縣載人
物

黨
程
葭州

有學行著
五經藝數

千首

魏亦晉
見進士

竇祖禹
見進士

田蘅生

楊芝璜
五十二年

李

樟

四年十

丙戌科王

雲錦榜平

竇祖禹

一五年十

壬辰王世

琛榜葵源

魏亦晉

七五年十

載縣知縣

應戊戌注

癸巳

紀

隴州

李棟

山丹

李楫

知縣

孫祖履

三五年十

甲午科洋

張恆

性沈

廉隅貧不

卒

田

璽

九五年十

雍正

王作賓

科 庚子

士 見進

唐建儒

癸卯年

科 孝居鄉有
事親以

魏良弼

雷臯

甲辰年

科

惠方沛

田呂叶

洮州
衛教

王澤溶

己酉年

科

劉煦

乙卯年

科

荆大勇

授

郭

博

丙四年
午

科

張以壯

乙七年
酉

科

王作賓

庚八年
戌

周霽榜新
甯縣知縣

何守諭

孫聯捷

滄州
知州

雷銓

李京

陳廣業

壬十年
子

乾隆

科

田奧
年十三
乙三

科卯

張克家
元年
丙辰

科

劉卯
知縣
溆浦

王吉士

趙鵬飛
知縣
崇安

安如恆

魏秉睿
吳堡
教諭

科

張永祥
四年
己未

科

張永祥
三年
戊午

趙安宇
平番
都司

科分
失攷

黨朝棟
六年
辛科

陳子桓

路登科
十二年
丁二

樊元助

吳堡教諭

張若敏

中衛教諭

封爾爵

三年戊午

科

趙廷健

棗陽知縣

有惠政
見進士

魏崑

六年辛酉

科

馮淑眉

洮州教授

師友尙

興安籍房

科卯

雷恆嘉

十五年庚

科午

秦隆武

十七年壬

科申

李容端

王宗鼇

十八年癸

科酉

段毓祺

唐尙義

科目表

宣... 縣知

趙廷健 十年

科 歷任崇
明如皋丹

陽知縣
有政績

黨新綬 十三

辰科長甯
縣知縣

山知縣

張冲斗 九年

科

權 鏗 涇州
學正

魏肇業

黨新綬 見進

楊士昇 順天
舉漢

中教授

田典 十五年

科 午

張大猷 二十年
丁丑科 浙
江守備

張大猷

劉永社 二十年

丙子科 江
南守備

石黠金 二十年

己卯科

劉鵬高 二十年

庚辰科

趙代臣

李友杜 二十年

壬午科

張灝 十年 王申

見進士科

閻汝霖 郟縣 訓導

喬敦溥 三水 教諭

支始條 十八年 癸

酉科白河訓導

楊啟聰 二十一年

丙子科 解元

吳韶 海陽 訓導

李繩祖 二十四年

李中和 三十一年 乙

酉科

邵良輔

王家棟

王萬春 三十年 五年

庚寅科

李發春 三十年 六年

辛卯科

强文博

賈元謨 三十年 九年

高卷六 科目表

宣平縣志卷六

張

辛巳科
灝 二十年
縣知縣 嶺

喬作砥

科 己卯

澄城訓導

紀生輝

西甯教授

竇鳳輝

長甯知縣

李轍

洋縣訓導

趙夢麟

廣東知縣

范兆麟

二十年

庚辰科 恩

王德華

洮州衛教授

李生香

科 甲午

強秉鈞

四十二年

張大廷

四十四年

己亥科

王先登

四十五年

庚子科

張大勳

沈慶春

强秉心

李時雋

二十七年

壬午科朝
邑訓導

李棟隆

三十年乙

酉科

王慧

王鷲

順天舉

范維典

三十年

戊子科

石廷瑚

三十年

王大用

唐仕璠

賈元猷

四十八年

癸卯科

孟佩

徐州衛守

備

萬邦泰

十五年

丙午科

張大成

張元登

三十年

庚寅 恩 科

王際隆 三年十 六年十

辛卯 科

郭儼

唐邦彥 萊州 知府

李澄

雷宣

楊生華 年高 恩 賜

強立志 三年十 九年十

沈慶春 五十年 十

己酉 科 欽 州 參 軍

戊申 科

楊登岱

石若崙 五年十 四年十

己酉 科

楊佐清

白振圭

雷奉朝 五年十 七年十

壬子 科

邵萬清 五年十 九年十

甲寅 科

甲午科

翟

笏

高唐知州

工書
隸

李

岱

二十四年

丁酉科

姬

樹綱

岑溪知縣

遷循化同知

趙

繼祖

四十四年

己亥科

齊元超

李枝桂

樊定泰

樊宗會

六十年乙

卯科

紀君佑

路以甯

紀成勳

西甯教諭

張秉魯

四十年

庚子科知縣

孫作新

階州教諭

石步瀛

十五年

丙午科

黨懋修

登封知縣

閻梅

紀登先
三十五年

戊申
州知恩

師範

朱久括
富民知縣

趙春芳

劉文乾
四十五年

己酉
科

朱德南
知縣

黃炳蔚

師友尙

六年十

辛酉科房
山知縣

任又昉

七年十

壬子科

揚銘久

李登峯

九年十

甲寅恩
科襄陵知
縣

朱景雲

韓城
教諭

李世引

楊景禔
年六十
乙

科卯

孫其逢

俱清鑑

張浦

嘉慶

竇一鶴
年三十
戊午

科

王又旦

張仲麟

高懷清
年五
庚申

年六十
乙

許先發
年三十
戊午

科

郭鎮蕃
年五
庚申

科

張青雲

科目表

恩科五
門教諭

蘭榮竹

黨同賢
辛酉六年

科

武凌漢
徐州知府

楊澈
十二年丁

科卯

紀翰華
有詩名

王登峰
高年恩

科賜者已己
賜進

吳毓璞
六年辛酉

科

石萬年

張雲鵬

雷夢熊

井汲泉
十二年丁

科卯

趙應魁
十三年戊

科辰

張青雲
十四年己
巳科一甲
第三人廣

楊克進
十五年庚

士翰林院
庶吉士

張森
年十三
戊三

辰恩科
涇陽教諭

楊樹年

賈文茂
年十五
庚五

午白水
教諭

王憲章

來鑑
年十八
癸八

酉科

王九齡

楊樹年
年十九
甲九
戊科平遙
知縣霍州

東陸路
提督

午科

王汝連
年十八
癸八

酉科

王慶
年十八
癸八

酉科

賀鎮國
年二十
一十

丙子科

蓋席珍
年二十
三十一

戊寅科

劉懷清
年二十
四十一

翟 綵 武康 緝雲

知縣

王建官 二十一年

丙子科

王廷瓊 新甯 知縣

紀鵬翊 高年 恩賜

者

石聲揚 二十三年

戊寅科 解元 恩

石汝璠

己卯科

道光

朱學海
豐縣知縣

楊浚
二十四年

己卯科

楊樹滋

李岑
兵馬司指
揮

朱景雲
二十五年

庚辰科
恩

魏玉峯
元年
辛巳

恩科
見進士

王悅義
元年
辛巳

科

雷錫鈺

迪化

支允中

學正

李慎修

二年

科

紀佑清

閻士望

楊彬

五年

楊

彬

六年

科甯遠
知縣

科見
進士

黃攀桂

黃鼎

魏家駿

浙江
守備

李一垣

二年

科

石玉潤

楊克忠

五年

科

郝文源

周夢熊

十年

科卯

周萬清

十二年

楊可棟
戊子年

科

李關
武功訓導

田懋勳

田發甲
辛酉年

科

李東森
同州教授

李鄰桂

劉士棠

王樞
壬戌年

方惟一
辰科

由可觀

劉樹德
甲午年

科

姬名清

王萬清

何天民

井萬年
乙酉年

科

宣平系三書卷六

科目表

全

魏玉峯

年十三癸三

己科兩當
縣知縣

辰科

楊青雲

學邠州正

同及第

王海清

教洋縣諭

雷啟秀

年十四甲

千科
解元

王三德

教韓城諭

孫敦會

年十五乙

未恩科
華州學正

李澍

教西鄉諭

劉攀桂

張殿榮

年十七丁

酉科

石懷玉

年十九己

亥科

孫振烈

年二十庚

子科東昌
府都司

李廷芝

李生枝

楊克敬

李天彪

馬登甲

劉桂茂

著有制
藝稿

惠聯璧

張元椿

年十七
丁

酉科略
陽訓導

魏習孟

亥
年十九
巳
恩科

王映南

孫毓秀

年二十
庚

子科

李澄原

武功
訓導

李振國

年二十
一

庚子科

唐尙文

陳萬芳

石獻瑞

楊翊清

年二十
三

癸卯科

李枝桂

年二十
四

甲辰科

田潤玉

張增瑞 績溪知縣

李作楫

李國楨

陳從典 二十三年

癸卯科

王風溥

邵佐清 二十六年

丙午科

樊振龍

劉恆業 高年恩

蓋毓清

張作霖 二十六年

丙午科

張殿安 二十九年

己酉科

劉一元

楊生華

楊殿榮

張步雲

楊殿甲

咸豐

賜者丁未
賜進士翰

林院庶
吉士

劉慶麟
己酉
科迪

化州籍
生員

劉東堂
二十年
九年

己酉
科

石汝慈
元年
辛亥

恩科

王在雍
河工
知縣

何文蔚
隴州
學正

并映奎
元年
辛亥

科

楊應林

紀殿華

科

科

科

科

科

科

張 霽

魏源溥 涇陽籍保

安訓 導

翟步霄 二年壬子

科伏羌 知縣

翟寶善 見進士

石汝瑚 五年乙卯

科解元大 荔訓導

王建瓠 三水訓導

田兆岐 八年戊午

白象乾 二年壬子

科

石伯春 五年乙卯

科

何文蔚

張應遴 八年戊午

科

雷保秦

翟寶善 三年癸丑

科新津 知縣

科洋縣
教諭

羅秀書
知縣

楊先庚
訓導

陳兆鳳
恩科

張樞
辛酉

酉科商
州學正

孫芑詒
八年

壬戌
科甲子
恩科

段秉麟

同治

科洋縣

教諭

羅秀書

楊先庚

陳兆鳳

張樞

孫芑詒

段秉麟

科目表

科洋縣

教諭

羅春秀

李天魁

郭長忠

庚午

九年

庚午

庚午

庚午

陳從甲 同州教授

有傳

孫雲瑞 宜君訓導

石炳 安康訓導

李懷庚 廣西知縣

王化南

李楨 略陽訓導

劉文丙 九年庚午

帶補丁卯科

孟積伸 教習候選

崔效忠

高殿榮 十二年癸

酉科

任又芳

邵端

任萬鼎

任述森

張秉鉞

張化南

張殿甯 七人以上

光緒

伍楚傑

知縣
正用

田培堯
廉舉方
孝導

王學士
訓延
導川

縣知
豐知

魏雲鴻
籍涇
陽祿

吳蘭森

支維棟

褚林翰

知縣

張及第

二年
丙子

科目
失攷

李海清 洛川訓導

景天相 元年乙亥

恩科

徒單楹

景天相 庚辰六年
科湖南安福知縣

吳光彥 二年丙子

科解元

武瀛 十一年乙

科酉

王天培

王天培 十五年己

孫步青 十五年己

科

曾大定 乙酉科

姬麟瑞 戊子科

楊天壽 戊子科

楊孝先 己丑科

田萬年 己丑科

丑科山東
知縣

武

瀛

刑部
主事

丑科

汝作枚

李槐堂

侯樹屏
年十七

卯科

張之燮

常懋德

辰科

汝作枚

年十八
壬

郭長清
癸酉科

李振華

党豐科

甲戌
大挑

候選
千總

田振邦

乙亥
恩科

党積科

張萬青

辛卯
科

肅會
監籍

系三高卷六 科目表

謝
謝
謝
謝
謝
謝
謝
謝
謝
謝

謝
謝
謝
謝
謝
謝
謝
謝
謝
謝

謝
謝
謝
謝
謝
謝
謝
謝
謝
謝

謝
謝
謝
謝
謝
謝
謝
謝
謝
謝

謝
謝
謝
謝
謝
謝
謝
謝
謝
謝

謝
謝
謝
謝
謝
謝
謝
謝
謝
謝

謝
謝
謝
謝
謝
謝
謝
謝
謝
謝

謝
謝
謝
謝
謝
謝
謝
謝
謝
謝

謝
謝
謝
謝
謝
謝
謝
謝
謝
謝

謝
謝
謝
謝
謝
謝
謝
謝
謝
謝

選舉

上古迄秦漢仕宦皆由各郡邑薦拔朝有徵聘之儀後世則變而爲考取閒與徵薦相維繫並行而不悖世風日澆外而大吏內而卿相所舉者材德多不稱遂改爲時文試帖取士徵薦廢矣今每於

皇上登極之初仍有孝廉方正一科猶存古意焉然事有定額用有限制視古昔百不得一焉

選舉肇自唐書宋金元皆因之大臣薦士曰薦舉宋馬端臨作選舉考取士屬禮部薦舉屬吏部是科目與銓選分途異轍授職有等差焉

選舉表

漢舉孝秀周興賢能歷稽古制實行是徵湛於經術
惟德為寶西清侍讌東觀學校有善必彰爰撫群英
敬舉實學克副盛名遭逢運會用答昇平表茲選舉
以志 恩榮

明

孝廉科

梁

甫

應天府尹

賢良方正科

經明行修科

人材科

李敬先

太平同知

張

統

吏部尚書

孟

林

中郎

李

肅

順慶通判

張

縉

欽天監丞

張

戩

四川按察

劉

泰

建康府知府

黨

冕

刑部主事

李

司經

李

鳳陽同知

宋

本

大名通判

第五

全

莒州知州

李

敬

鳳陽同知

楊士謙

知縣

王肅

南京戶部

主事

車秉彝

樂安州知州

陳恩

兗州通判

張山

定州判官

劉信

霸州通判

尙文知

西安知事

宋孝

許州判官

忽實英

甯海判官

董舜卿

重慶通判

王文秀

豐潤縣丞

蘇斌

滁州同知

劉能

安州判官

國朝

孝廉方正科博學鴻詞科徵薦

梁孝先
順義縣丞

徒單恂
武鄉縣丞

黨智
武安縣丞

韋得才
萬泉縣丞

樊顏
安陽縣丞

田武
文川縣簿

崔以德

優附生嘉

李因篤

康熙十七年

袁廓宇

經略洪承

慶元年

楊

黻

附生未就

年舉明年
廷試列一
等授翰林
院檢討

田茂蘭

經略洪承

疇薦授參
政監軍

考

周培堦

諭教

孟榮

同州

田培堦

直隸
知縣

翟炳堦

同州

張之燮

諭教

田荃生

雍正
十二年

元年舉
試以平
通歸班
廷隆

陳開虞

順治
閒定

遠大將
軍

漳州
同知

羅星涵

康熙
庚午

以布衣
召

陽知縣
授歷

遷雲南

道使

富平縣志稿補遺

忠節

展廣蔭柏樹窰人王霸王家莊人二人俱通拳技居常以勇力聞鄉閭排紛使氣同治元年八月西鄉各團禦回南原潰退賊騎尾逼勢已危殆廣蔭急率團丁三十餘人往援遇賊於南午村之九蓮宮呼嘯狠鬥賊稍退卻西團獲脫後賊復麴集霸與廣蔭揮團丁速退二人各奮械力擊進如飛鱗傷徧體遂同死蔭霸年均六十餘矣隨蔭三十人得全歸

暢茂元暢文桂暢世族俱暢家寺人同治初元回亂作率堡同守賊氛甚熾堡衆潛逃惟茂元等力守後賊力攻堡陷均

遇害

楊克忠初爲篤祜村人家貧有膽力倣儻自喜遷居大水峪習槍械工擊刺回作峪中人散之四方避難克忠率子永齡壽齡及餘人守峪口六月十三日賊以三十七騎至衆以石子擊賊死者四忠以鎗斃賊九賊懼退翌晨賊復大至守者內懼皆潛遁獨忠率三子與賊力鬥賊不能進有黠者潛由他道入山門正酣伏賊出父子俱殉焉

暢所欲暢星朗李豐有均暢家寺人同治六年三月二十四日髮逆至村所欲率村衆禦之於南門外賊勢衆且悍村人懼而先逃所欲等均爲賊執令獻村人窖藏不應賊燃香火

於所欲背而訊之所欲等曰吾輩頭斷腎不可得也均大罵
請死賊拔其舌而殺之